

關嶺縣志訪冊複製說明

關嶺縣志訪冊，是一些地主階級知識分子於民國八年（一九一九年）在關嶺縣偽縣知事陳鍾華主持下採輯的，夫編纂成帙；民國二十五年（一九三六年）續修安順府志時，復鈔錄作為《續修安順府志》之上繳本。現據安順縣圖書館藏鈔本按其內容歸納為八志，每志為一卷。

原書不論是在問題的提法上，在收集資料的範圍上，都是採輯者站在封建地主階級的立場上為封建統治塗脂抹粉，為地主官僚歌功頌德，只能作為反

關嶺縣志訪冊

複製說明

面資料；我們予以複製是專門為供給領導幹部和有關單位內部參考的，所以內容完全按照原稿刻寫，僅改三個別明顯的錯別字，這些校是否妥當，請讀者提出意見。

貴州省圖書館

一九六六年六月

關嶺縣志訪冊目錄

卷一

輿地志 建置沿革 疆域 輿圖 水道 關隘 橋梁

卷二

風土志 風俗 彙候 苗疔

卷三

食貨志 田賦 工業 稅課 倉儲 倉業 度量衡 農桑 材業

卷四

學校志 書院 學堂

卷五

關嶺縣志訪冊 目錄

武備志 營汛 驛站 兵事

卷六

秩官志 職官 官蹟 土司 土職

卷七

人物志 選舉 孝義 隱逸 職員 鄉賢 列女 文學 武功 邑志

卷八

藝文志 序跋 傳記 詩

關嶺縣志訪冊卷一

輿地志

建置沿革
橋渡

疆域

輿圖

水道

關隘

建置沿革

關嶺縣原名永寧州在禹貢梁州外境殷為鬼方周為荒服秦屬夜郎地漢屬牂柯郡唐為戎州都督府盤州及羅甸國地宋為普里部元憲宗時平雲南普里部歸附置普定路尋改為府領習安鎮寧永寧三州至元十七年改羅比鬼國為順元路置宣慰司二十年置貴州等處長官司領於順元安撫司此貴州之名所自始也二十九年正月以普定路隸雲南省大德七年改普定府為路明洪武十四年

關嶺縣志訪冊

卷一

建置沿革

一

後改路為府州仍舊隸四川布政司尋置普定衛隸四川都司十六年改習安州為安順州十八年府廢以三州並衛二十三年置安莊衛於今鎮寧二十五年以總兵兼管二堡設關索嶺守禦所屬安莊衛隸四川都司正統三年改安順鎮寧永寧三州俱隸貴州布政司成化中移安順州於善定衛城萬曆二十年陞安順州為軍民府而永寧州隸馬領長官司三曰募役曰沙營曰頂營巡檢一曰盤江土巡檢清因之順治十八年裁關嶺所隸民國三年改州為縣更名關嶺五年九月十六日移州治於募役司別置分縣曰募役於舊州治隸縣二十五年省募役分縣

疆域

縣地經民國三年劃撥插花疆域稍有變更地形狹長東
界鎮寧紫雲二縣南界貞豐興仁二縣西界安南縣北界
郎岱縣詳見附圖

水道

南北盤江之源出自雲南曲靖霑益牛鼻子南源入南盤

江北源入北盤江江即花江二水至廣西雙江口匯北盤之水

清南盤之水濁

安順穿城河之水至關嶺屬下布馬枝大龍潭經下募役
枝有王二河白水河之水來匯合為小三岔河下流至郎

弓河壩陵河難得河之水來匯合安順鎮寧關嶺即此處自

郎弓河以下經九個渡口親啣明親啣始厝北盤江之大三

岔河又經六個渡口親北盤江之始出貞豐境下流至蔗

香與南盤江匯合入廣西境內

關隘

順忠關

卽關索嶺明史云洪武命費聚副安陸侯為總兵官分攻關索嶺及阿咱疑卽今鬼寨等寨悉下之

蠻地始定

那大關

灞凌河之下流所經兩岸峭壁樹多石隙中生盤根錯節無奇不有

猴兒關

在坡貢東南下臨丙字河俗有鵝翅膀之稱一徑崎嶇盤曲陡險古稱羊腸鳥道殆若此歟

迴龍關

在羊寨凡花兩塘之中距新縣八十里舊志稱有茶亭今毀

關隘縣志訪冊

卷一 關隘

四

鳳凰關

在坡頭塘距新縣七十里關高而形似鳳故名按舊志載有茶亭今毀

石龍關

在坡貢西三十里山路崎嶇驛馬勞頓故前清設驛站於此距新縣九十里

天門關

在酒志坡高山頂有石穿通若門然位乾方故名為往卽必經之路距新縣一百四十里

白沙關

在青桐林後山地皆白沙故名為縣往坡貢所經距新縣一百一十里

梅子關

在舊州城西五里許舊為通滇要道原建有哨城稽查往來今城已圯距新縣六十五里

關索嶺關

在新縣東北上有御書樓一座樓下為入滇大道樓中懸康熙御書滇黔鎖鑰四字年久字湮清安順府知府孫清彥恭譯是關南北橫絕東凡四十三盤西凡九盤一線鳥道行者謂如蜀道之難距新縣六十里

老君關

在新縣之東南花江河下流所經峭壁巉崖行者望而生畏距新縣四十五里

橋渡

盤江橋

在舊州治城西四十里舊為滇黔孔道江水洶湧不能舟渡明崇禎間參政朱家民創建鐵鎖

關嶺縣志訪冊

卷一

關隘 橋渡

五

橋毀於寇清康熙六年改建木橋賊又毀二十三年總督蔡毓榮巡撫楊雍建重建設土巡檢守之五十年木橋圯巡撫劉蔭樞更建鐵鎖橋百覆木板工費浩繁年久繩斷株朽同治末年曾文誠補修之光緒中葉山水暴漲衝毀過半安義鎮蔣宗漢倡請巡撫崧藩籌款補修如故花江在募役西南二十五里兩山夾峙岷律蒼

花江橋

蒼左右均高至千六七百丈履江岸仰觀則帽落而不見其山巔俯視則目眩而不窮其水際江面寬二十餘丈扣鐵索成橋曩者於此橋上

流里許花江渡口以民船濟人往來時有墮溺
光緒二十四年貴州提督蔣宗漢捐廉修石橋
以利行人橋將告竣尚未加矢忽大水驟發圯
塌無存後又於距此橋數丈處修鐵橋因兩端
扣鐵索岩石不堅牢仍奔塌二十六年蔣公矢
志復修命幕友何梅軒籌畫乃另擇地點鑄鐵
索十五條深鑿兩岸鉅岩橫穿鐵柱鈕鐵索於
其上復於兩岸邊自江底砌大石成台高頂鐵
索上復壓以巨石直成坦道計鐵索長二十一
丈四尺寬九尺兩旁均貫以一大鐵索高二尺

八寸以小鐵鏈穿成欄杆橫卧江面距水面三
十餘丈上面橫鋪木枋中心直蓋以為人馬踏
足之道綫至二十七年而橋成並修橋左右石
路兩端各七八里直達舊路自鐵橋達彼岸正
向橋頭有鎮江王像一右側岩端削平刊有重
建花江鐵索橋記右側就岩雕鑿蔣公石像一
面向上流知府石廷棟有重建花江鐵索橋記

見藝文

壩陵橋

跨壩陵河一名關索橋以在關索嶺麓得名又

名八里橋以關口至橋八里也橋左右各植黃

菓樹一蓋千年物清道光丙戌夏橋忽有聲三日橋左之樹倒於河橋遂圯其半道光十五年知州黃培杰捐廉暨州士民助資修復距新縣七十里

南雲橋 原在永寧州南項營司西三十里距新縣六十餘里

馬鞍橋 一名大水橋距新縣五十里清康熙己巳劉璽重修癸巳朱嘉孝又修

丙字橋 道通坡貢清乾隆三十四年知州賴晉捐俸倡修道光十五年監生羅華光募修至光緒中葉

貢生宋培基補修距新縣九十里

永興橋 跨果母當河俗名果母當橋距新縣七十五里
啟明長庚橋 在舊沙營龍潭街東曰啟明西曰長庚雙

橋建自明永樂年間今雖毀而基址猶存
距新縣八十里

天生橋 有二一在谷雨走沙營司路一在石汪寨白水
河下流均距新縣八十餘里

渡口

咸豐以前廣西商船入黔直航至募役董慶渡起坎後因
與義五屬回叛截止商人至董慶強逼由白扁河起坎以

便收稅

北盤江渡口自郎岱之毛口渡以下入關嶺界內有光熙渡小盤江渡大盤江渡至盤江鐵索橋以下有茅草坪渡狗鐔洞渡兵郎渡九盤渡梭江渡花江鐵索橋板桂渡板姜渡老君關八合渡大三岔河渡董慶渡董牛渡董岡渡壩包渡壩草渡自壩草渡以下入貞豐境

安順穿城河之水亦匯郎弓河水道內載有郎弓河渡口有郎弓渡木城渡木筏渡木格渡打邦渡哨上渡楓香樹渡板東渡板袍渡以下匯合大三岔河即花江下流

關嶺縣志訪冊卷二

風土志

風俗

氣候

苗桑

風俗

關嶺漢苗雜處民間風俗向來勤儉漢苗男子均重農商漢人之婦女富者專主中饋縫紉等事貧者兼助農功苗民之婦女習尚與漢族貧家婦女畧同惟多以紡織為業冠婚喪祭禮之厚薄視家之有無通行之俗婚禮有親迎之古風喪禮有誦誦聖經之習慣清乾隆時劉璋謝廷賢助喪禮者夜隔鏡棺誦經存經及四書其俗相沿至今均可以為規苗民少年男女交往名曰坐表又曰趕表近日漢人新婚漸染閩房陋習

關嶺縣志訪冊

卷二

風俗

一

大傷風化宜禁戒文化從前遠遜於鄰封現在學校林立漸有進步矣

氣候

新縣募役及關索嶺等處熱可至華氏寒暑表九十度寒可至三十八度霜降以後漸寒時有霜小雪以後時有雪小寒以後時有冰立春以後漸溫谷雨以後漸多雨夏至以後甚暑立秋以後甚涼

舊州治一帶熱可至八十五度寒可至三十四度寒期較早暑期較遲冬令冰雪較多

六馬盤江等處熱可至九十五度寒可至四十四度寒期

較遲暑期較早冬令無霜雪本屬各處氣候不同農作物
 之下種收成時期亦各異茲列表於左

寧		永		處		貢等		嶺坡		關索		募役		地名	
王蜀黍		稻		麥		豆		瓜		王蜀黍		稻		物類	
同上		谷雨前後		霜降立冬之交		同上		同上		同上		谷雨前後		種下	
白露前後		秋分以前		立夏前後		同上		同上		處暑前後		秋分前後		收成	
														備	
														考	

關嶺縣志新刊

卷二 氣候

二

一帶								六馬盤江等處							
瓜		豆		麥		稻		王蜀黍		瓜		豆		麥	
同上		同上		霜降立冬之交		清明前後		同上		同上		同上		霜降立冬之交	
同上		同上		立夏以後		立秋前後		大暑前後		同上		同上		谷雨前後	
								六馬盤江等處並產甘蔗							
								棉花海椒樹							
								經冬不枯春							
								李即有新海							
								椒亦可微其							
								氣候之炎熱							

苗夷

本縣苗族有花苗青苗紅苗白苗四種仲族有仲家龍家

蔡家保族有黑白二種白保儼又名白蠻佬有水佬佬木佬佬花佬佬紅佬佬雅意佬佬打鐵佬佬豬豕佬佬錫人各一種以上各族種類不同語言各異苗族戶口約計千餘家仲族戶口約計二千餘家保儼戶口約計三百餘家佬佬戶口約計二百餘家花堡土人約八百餘家完全苗寨約百餘寨完全仲寨約二百餘寨其餘保儼佬佬無完全村寨多雜處仲家寨內

苗俗男子科頭赤足亦有以青布裹頭短衣大領大褲者穿長者少善吹笙跳舞名曰跳花婦人盤髻籠以木梳性

好績麻技多衣麻或白衣花衣短裙媳禮男家以牛一條向女家納聘名為打財禮男女親坐私語名曰打馬郎喪亦有屠牛盡哀者平居以種山地為生

仲俗男女尚青衣婦人耳環簪大如鐲多以青布蒙髻長裙細褶或青布花布為之性又善織布不外市婚嫁多自主遇婚則以牛作聘資女嫁過門三日即回母家歲時去來無定至兩三載生子而後成家喪必屠牛放炮親友畢至名曰做慶以耕田為生計

龍家衣尚青女髻方中以青布圍之衣短裙長

蔡家男善擲毬遂多以毬為服婦人裝飾亦同龍家婚用

媒妁聘以牛酒財禮喪則屠牛宰牲聚親族跳舞

保儼俗男女多尚麻衣婚喪禮畧與仲俗同亦以耕種為業

侗僂風俗男子多尚青衣婦人青衣短袖僅及手腕各有族類不通婚姻婦女終身不上樓遇喪事召親戚屠牛擊

鼓名為闌屍以耕種為生

又有屯堡人與土人兩種屯堡即明洪武之屯軍土人則與屯軍先後至者因居此日久故曰土人一說舊人即楚人也或又謂為里民子衣服與漢人同婦女不纏足多藍

衣白袖亦有專尚青色者男鋤貿易耕作多婦人為之婚

喪禮與漢人無甚大異惟正月元旦至十五多擊鼓以唱神歌為稍異耳

關嶺縣志訪冊卷三

食貨志

田賦

稅課

倉儲

度量衡

農桑

田賦

原額田畝三萬六千七百九十七畝八分五釐三毫三絲六忽三微六塵三纖七渺內除撥歸安順府後改歸節愆應田九百八十六畝七分六釐實額田三萬五千八百一十一畝九釐三毫三絲六忽三微一塵三纖七渺入節年新墾額外田四百一十九畝四分二共田三萬六千二百三十畝四分九釐三毫三絲六忽三微六塵三纖七渺內實除荒蕪田七千八百三十七畝九分六釐四毫八絲零

關嶺縣志訪冊

卷三 田賦

一

條丁銀兩總數

永寧州額徵條銀一千六百七十八兩五錢三分三釐乾隆四十二年奉文攤丁入田新增銀一百五十四兩五錢六分三釐以上總共額徵條丁銀一千八百三十三兩零九分六釐耗羨加一五隨徭奉文坐扣下年驛費不敷赴

藩庫請領

條丁銀兩總數

募役司額徵條丁銀三百八十八兩一錢五分八釐五絲

六忽

頂營司額徵條丁銀一百五十八兩零三分四釐三毫三絲

沙營司額徵條丁銀七十四兩一錢六分八釐

六保枝額徵條丁銀八十八兩三錢五分三釐四毫四絲

八十石額徵條丁銀八十九兩六錢二分九釐三毫

阿果枝額徵條丁銀一百二十八兩三錢五分六釐六毫

打罕樂運上下六馬額徵條丁銀八百九十四兩五錢九

分六釐二毫

江外額徵條丁銀十兩零四錢八分一釐四毫

關嶺縣志訪冊

卷三 田賦

二

五鋪額徵新墾丁銀五兩七錢一分零九忽

額徵秋糧總數

募役司米四百五十八石三斗六升八合九勺

頂營司米二百三十九石九斗六升六合

沙營司米一百一十三石零二升五合

六保枝米一百二十九石九斗零四合五勺

阿果枝米一百一十七石四斗一升四合五勺

八十石米八十一石六斗六升九合五勺

上下五鋪米二十石四斗八升二合五勺

募役司士民首報科米一十三石零九升三合五勺七抄

五撮以上三司三枝五鋪及首報田畝共徵秋科糧米一千一百七十三石九斗二升四合四勺七抄五撮開支兵丁三百零二名廩生三十名不敷米石照會計兵糧數目移營自赴道庫請領發給

額徵耗米一百七十六石零八升八合六勺四抄五撮每石定例五錢變價批解

官莊租米六十七石八斗六升內除開支孤寡口糧外餘米照收時價變解

學租米三石每石照收時價變價批解

租田穀四石七斗開支先農壇穀二石外餘有穀動支經費不敷銀兩赴司請領

在官田畝租谷七十石每石定例五錢折收共應解藩庫銀一十九兩五錢二分五釐

關嶺縣志訪冊 卷三 田賦 三

義學穀十石各石定例折收銀三錢送學交給寒生

民國三年永寧州改關嶺縣後劃撥棉花出入

劃出與貞豐縣者

江外四寨即江外八寨 羅壩寨 朵萬 約一百五十方里

劃出與紫雲縣者

仁齊寨 法艾寨 約五六里

劃出與鎮寧縣者

下募役枝 阿果枝 西邊 下布馬 約長二百里寬

公里六十里

劃出與郎岱縣者

六保半枝 約長二十里

由紫雲縣劃入者

安定寨 那勿寨 約五里

由郎岱縣劃入者

黃土 木光把路 白紙廠 樹枝 二塘 約十餘里

稅課

關嶺縣劃撥插花後丁糧額數

本縣

丁一、二、三、兩六、四、六、五 科則一、五、七、五 係兩數

糧 八、五、五、六、九、六、八 科則一、九、〇、〇 係兩數

關嶺縣志奇冊

卷三 田賦 稅課

四

租 三、五、〇、〇 科則〇、六、五 係兩數

郎岱劃撥入

糧 四、一、二、六 科則三、〇、〇 係兩數

紫雲劃撥入

光丁 兩〇、九、七 科則六、〇、〇 係兩數

折色正丁 兩二、九、六 科則一、〇、〇 係兩數

關嶺縣戶口

全縣一七二五〇戶一〇三五〇〇口

盤江稅年額雜稅銀一千二十九兩五錢六釐八毫按照

奉頒則例抽收分作四季起解每年解稅課銀二百五十

七兩三錢七分六釐遇閏加增銀八十二兩三錢一分八釐三毫批解藩庫

稅羨每年額徵銀一千四百零一兩零四分按照四季起解每季解銀三百五十兩二錢六分遇閏加增批解藩庫
按花江稅局分設毛口大水溝新鋪三處

倉儲

常平倉

募役倉廩三間頂營司倉廩二間沙營司倉廩一間六保廩一間大字倉三間前新倉三間中新倉三間上新倉三間高陞倉五間聯陞倉五間新有倉四間盈寧倉二間風

閩嶺縣志訪冊

卷三

稅課 倉儲

五

字倉三間誦字倉三間雨字倉三間潤字倉三間照泰倉四間民字倉三間安字倉三間順字倉三間

以上倉廩順治十六年修在永寧舊州署西面遇有坍塌各任修補移交新任

社倉

雍正元年詔諭天下有司設立社倉永寧州設社倉一間州城二間分建募役司二間頂營司二間沙營司二間在州城者向係社長經營並未修有社倉乾隆十四年知州嚴再昌查詳歸州乃實建社倉於常平倉側即於社谷內變價修造

案原貯社穀三千一百五十七石五斗三升九合二勺
其分貯募役司社谷七百零三石五斗分貯項營司社
穀六百五十二石五斗二合均於嘉慶二年二月被南
籠府苗變蔓延燒搶無有分貯沙營司社穀五百五十
石亦於是年六月被郎岱逆匪蔓延併約本屬寫得寨
苗匪燒搶無存實在現貯州城社倉穀一千二百五十
石四斗八升七合二勺

義倉

本城義倉五間在學宮旁道光十五年知州黃培杰勸衆
紳士捐資倡建並撥募役甸墳田本州鄧凱田北口莊田

葉姓田共四份歸入義倉每年約收淨穀一百六十石
值年齋長經營州屬義倉向來分設各鄉兵燹迭經顆粒
無有肅清後改設州城歷任雖有捐輸為數無幾光緒十
五年知州沈毓蘭任內奉文建修豐備義倉於西偏札飭
各鄉紳董勸捐義谷數百石有奇陸續運入州城存貯茲
除節次賑濟州屬火災外現實存京石義穀七百一十石
度量衡

度 興安順公議尺同 各鄉場有用八寸者有用八寸半九寸九寸半者多不一致

量 永寧州舊治每斗一百零五合

新縣募役每斗一百合

關嶺場每斗九十五合

坡貢每斗六十合

六馬等處每斗一百一十合

夷人計斗是要大
點足見夷人直

衡 新縣募役及關嶺場用庫平永寧坡貢用省平

賈物用銀小數以戥稱大數用秤稱

賤物用淨制錢小數用戥稱大數用秤稱

農業

本縣土多田少除山嶺所占地面外可施耕種者大約旱田土占十分之六水田占十分之四米麥玉蜀黍豇豆高粱等項均產米與玉蜀黍為大宗食品米量約超過玉蜀

關嶺縣志訪冊

卷三

度量衡

農業

林業

七

黍一倍每年各項糧食供本縣食用外約餘十分之一銷售鎮寧貞豐安南紫雲等屬咸同亂後休養多年農人日事開墾所遺曠土不過山瘠磽地難於耕種者間亦有零星曠地不成片段約計百分之一其餘均耕植無遺矣種桑之區附郭納亞經蠶桑管理員種植現成活七萬餘株校場壩有二千餘株關索嶺有二百餘株均已逐漸成林矣

林業

本縣多大箐近因砍伐日甚重山遍野所遺無多其最易培養者如漆樹茶子椿楸梧桐青桐等最難培養者如杉

樹梨子黃果橘子花紅等現在堪稱菁林者僅有夔乍魯
灰谷雨紙山中哨酸棗丫口寨等處至於可資修造者以
椿楸杉梧桐等類為大宗而杉樹一項人多兼用為壽木
亦間參用椿楸者縣內宜種植之處六馬一帶宜培養楸
杉桐子黃果青桐等沙營一帶宜培養楸杉漆樹杜仲等
此外如南華山茶葉色味俱佳尤為獨出惜該地多岩山
地點太狹所收無多亦屬憾事每年以林木資生者百不
得一二蓋可資修造者僅供本地之用不能運銷他地也
工業

本屬工業尚形幼稚所出之貨可供內地之用及足以銷

售者僅有四種

(一)織品 斗紋布其紋為正方形方形之大約二分半方

斜紋布其紋為斜方形斜方面積畧等斗紋布

均柔靱而可觀本縣人多樂用之係六馬苗民

婦女自紡自織自用者有餘始能出售蓋因細

密難成故出售者甚少本縣人欲購不得每多

抱歎業此者獲利無幾花卧單亦多細密適用

皆係苗婦所織年約獲利數百元

(二)鐵器 六馬弄袍簡庄大丫口等處多鑄鐵鍋火盆犁

頭等器此外各鄉之熟鐵雜器除農具必需外

兼可供居民之用而鐵鍋火盆且能行銷鄰屬
總計鐵工獲利每年約數千元

(三)蘆蒿蓆 本屬所製蓆分粗細兩種粗者居民可以
遮蔽風雨細者夏季用為墊蓆業此者每年獲
利可至千元

(四)草蓆 關嶺一帶暨落哨等處居民每於農隙之時
兼打草蓆為業年約獲利四五百元

礦業

本縣礦產五金中缺金銀銅錫四種鐵出中甸弄袍丙壩
簡庄樂安壩山喜懷等處水銀礦向在竹貴距新縣募役

關嶺縣志訂冊

卷三

工業 礦業

九

十餘里道光年間開辦獲利亦厚不知其經營者為誰今

則洞老水深暫行封止煤則象鼻嶺紙山陳家冲下哨小

河谷雨曾灰坡廠坎梨大田壩把路大坪地陷窩寨錫廠

等處面積約五十方里或開或停均無一定有為地主自

開者有為他人所租開者大都合資者多獨立者少獲利

厚薄亦難逆料硝出郎先車洞殷家洞金家洞大水溝左

右火爐箐老硝廠暨六馬各鄉均有之面積一二里不等

惜開採者資本無多獲利無幾故無怪條而舉辦條而閉

歇云落盤雖產水晶石質不甚瑩澈花江盤江雖產白石

花石近亦乏人開鑿至若開煤礦鐵礦之器向用土法并

無新式器具

商業

本縣僻處偏隅且係苗疆以言商務甚形幼稚亦非蒼翠之區河道雖有不可以通舟楫大宗商貨由廣西南寧百色輸入者亦僅運至百層而止所有販運零星貨物來本縣交易者東有兩廣人西有雲南人北有四川湖南人而要以川湘廣人為多間亦有江西安徽兩省人向未開設行號商人運入貨物以洋紗足頭川鹽煤油紅白糖川廣雜貨藥材為大宗本縣輸出貨物如六馬之桐油棉花沙營之白紙一四五六等區之藍靛以行銷雲南為最多年

閩嶺縣志卷卅

卷三

商業 物產

來本縣人民以地方貧瘠非振興實業不足以致富現三集股籌備組織採買洋紗設立機房兼開鹽倉之行流物產

本縣地勢高下不一氣候各異物產極複雜雖出產及銷售不多之物均未填注產額及銷額述之如左

甲 植物

一 穀類

稻 通名穀子其最著者為紅米白米糯米羊毛米四種各處皆產每年約出十五萬石銷萬餘石

旱稻 種於六馬新鋪等處

高粱 各處皆產

老麥

小麥 各處皆產每年約產萬餘石銷五千石

粟 有黃白二種

燕麥 各處皆產

玉蜀黍 各處皆產每年約產五萬石銷二萬石

黃豆 各處皆產每年產八千石銷二千石

綠豆

黑豆

豌豆

閩嶺縣志訪冊

卷三 物產

十一

扁豆

飯豆

蠶豆 俗名胡豆

豇豆

四季豆 以上八種各地皆有

紅稗

藤子 各處皆有

菘 分甜苦二種

芝麻 有黑白二種

二 蔬類

青菜

白菜

菠菜

莴苣

芥菜

韭菜

芹菜

有家生野生二種

絲瓜

南瓜

東瓜

閩嶺縣志訪冊

卷三

物產

十二

苦瓜

金瓜

瓠瓜

有甜苦二種

茵

有凍菌香茵青桐茵雞蹤茵數種

蕨

分甜苦兩種

山藥

分紅白二種

慈菰

分家生野生

莧

分大小兩種

筒蒿菜

木薑子

海椒 俗名辣子

諸

椿菜

蘿蔔

地蘿蔔

蕪 一名大頭菜

蔥

蒜

薑

芋 分紅白二種

閩嶺縣志訂冊

卷三 物產

十三

葫蘆 有甜苦二種

以上蔬屬各處皆有

三 藥屬

金石斛 俗名黃草又名金釵花

天門冬

白朮

荊芥

何首烏

艾

半夏

車前草

青蒿 俗名細葉苦蒿

佛手柑

草菓

葛根

淫羊藿

草烏頭

草烏兜

蒺藜

香附

閩嶺縣志訪冊

卷三 物產

十四

金銀花

貫仲 即蕨根

王不留行 俗名野豌豆

劉寄奴草

馬勃 馬皮色

地骨皮

竹葉

柴胡

雷丸

兔絲子

女貞子

花粉

楮實

即構果

桑白皮

桑寄生

茴香子

桑子

青藤香

吳萸

木瓜

閩嶺縣志新刊

卷三

物產

十五

山楂

枳椇子

即龍爪實

菜菔子

紫石英

有六方兩角

蒲公英

威寧仙

杜仲

固子

千張子

豬牙包

黃梔子 壩陵河花江河六馬各處出產最多亦最佳
以上藥屬各處均有

四 花屬

芍藥

海棠

桂花

桃

蓮

紫荊

薔薇

閩嶺縣志新刊

卷三 物產

十六

月月紅

玉蘭

映山紅

臘梅

玉簪

鳳仙

木芙蓉

芭蕉

山茶

木槿

梔子

黃葵

雞冠

虞美人

鐵線蓮

金線蓮

菊

八仙花 俗名繡球花

五 萼屬

枇

閩嶺縣志訪冊

卷 三 物產

十七

櫻桃

核桃

李

杏

棗

枇杷

柿

橘

黃菓

林檎

花紅

葡萄

梨 口達產最佳

橄欖

板栗

無花果

以上果屬各處均有

六 草屬

甘蔗 出盤江壩陵橋一帶

棉花 出六馬盤江一帶最多

閩嶺縣志訪冊

卷三 物產

十八

麻苧

葵花

菸葉

落花生 各處均有

七 竹木屬

樟腦樹

攀枝花樹 六馬一帶出產最多

金竹

斑竹

棕竹

刺竹

棉竹

蘆蒿竹

松

柏

杉

梓

楊柳

梧桐

椿

閩嶺縣志訪冊

閩嶺縣志訪冊

白楊

槐

椴

楓

桑

榆

青桐

化槁

皂角

馬桑

構皮

連皮柳

冬青

漆

桐子 六馬一帶出產最多

以上各物各地均有

乙 動物

一 禽類

鷄 各處均有年產五萬隻銷二萬隻

鵝

閩嶺縣志訪冊

卷三 物產

二十

鴨

錦鷄

鷓鴣

雉

畫眉

鷓鴣

鷓鴣

烏春

四喜

鴉

箐鷄

竹雞

秧鷄

野鴨

老鵝

鷹

燕

蝙蝠

以上鳥類各地皆有

二 獸類

閩廣縣志訪冊

卷三 物產

二十一

牛 有黃牛水牛二種各處皆有年約產五千頭銷二千頭

馬 各處均有年產約千餘匹銷五百匹

豬 各處均有年產約三萬隻銷二萬隻

騾

羊

犬

豹

狐

兔

山羊

麀

黃麀

猴

貓

黃鼠狼

獺

豪豬

穿山甲

以上獸類各處均有

閩廣縣志訪冊

卷三

物產

三

三
鱗類

鯉

細魚

油魚

七星魚

鯉魚

鯽魚

鱔魚

岩花魚

細鱗魚

鼈

鯪魚

蚌

蝦

螃蟹

田螺

蝦蟆

以上鱗類各地均有

四 蟲類

蠶 關索嶺龍爪樹六馬等處苗民蓄之飼以桑葉由來

關嶺縣志訪冊

卷三 物產

二十三

已久未見發達

蜜蜂

蝶

蜻蜓

蛇

蚯蚓

蟋蟀

蜈蚣

螢

丙 工製品

桐油 出六馬簡庄大水溝等處

菜油

燒酒 各處均有

茶油 出烏拉岩

土布 出六馬關索嶺新鋪為夷人所織

柿餅 產於谷雨

桐炭 出於沙營崗所六馬等處

白紙 以沙營所製者為佳銷售頗多

草紙 產於沙營亞隴斑鳩井等處

學校志 書院 學堂

書院

維風書院一所地址原在永寧舊州文廟左側清光緒十二年知州楊承敘撥學中公款重建上房三間左右廂房四間講堂三間頭門一間齋長張純錦龍運乾張德馨董其事膏火取資頂營司租穀五十六石至三十二年改為官立高初兩等小學堂民國成立後仍繼續辦理

學堂

本城市高小學校暨國民學校係清宣統二年經文生毛

關嶺縣志訪冊

卷四

書院 學堂

一

文光武生王光發梁珠榮雷國治監生張弼審余明經黃啟釗梁珠琳等開辦假闕帝廟為校舍地址經費取資于廟租屠捐民國二年高小畢業一班現在共辦高小三級國民四級財政統一後所有開支均由經費局支領

教員講習科民國六年知事陳鍾華設立與高小學校同一地址另修講堂寢室四間經費由經費局取給有學生二班

淑德女子兩級小學校民國四年監生余明經籌辦以李公祠作校舍民國五年勸學員紳陳元鴻等又於祠內另建重簷校舍三大間高等講堂設於樓上初等甲班設於

樓下乙班設於後一進經費由經費局領取

永寧高等小學校清光緒三十一年知州林慶堯委廩生
梁仁安瞿宗燁張明良辦理地址就維風書院改修其時
風氣初開僅有學生四十名膳宿各費及制服燈油筆墨
紙張均由舊有學款支給教員二人由提學司委充宣統
元年後年有畢業來學亦眾款項不敷知州楊瑄裁去供
給學生各費添招初等一班名其曰兩等民國二年知事
張銘飭勸學員長黃漢銘會同校長葉裕良添招初等一
班遵章仍稱高小學校暨國民學校三年知事吳作榮以
校舍狹隘令庶務周興諾添建東齋五間五年知事陳鍾

華以高小僅一班將來畢業似不足以銜接飭校長黃漢
銘續辦高小一班分為甲乙兩級又令經費局會計聶吉
人另建西齋三間通計四班學生共一百二十八名前後
曾畢業者甚多款項仍取給于經費局

永寧初等女學校宣統二年知州楊瑄委生員黃陞朝開
辦其時風氣閉塞來學者少校舍暫就文昌閣設立厥後
裁撤學官即將校舍移於其中遵章定名為國民女學校
教員一人女管理員一名經費仍由經費局領取其時因
款項未充女管理員未設僅由教員兼任

關索嶺高等小學校暨附設國民學校係民國二年改設

先是宣統二年該處生員楊文燦王憲章等就街中為壽宮地址設立初等學校經費取資於廟租並屠捐民國五年教員楊紹基王昌燧陳光岳以校舍狹隘商之庶務唐善移於金龜山斗母閣另建校舍款由該地自籌不敷由知事陳鍾華撥款補助又國民女學校一所暫就石牛寺設立經費由經費局領取

阿慈私立兩等學校宣統三年師範畢業生伍尚文創辦開辦之初學生四十名議收學費高等每名四元初等每名二元教員三人不敷甚鉅由尚文捐助民國二年夏知事張銘以尚文熱心辦學獎給人難再得函額復稟由前

巡按使咨部給予五等金質嘉祥徽章厥後校舍不成於火又復重建頗費苦心自開辦至今畢業兩班近年經費統一改為公立一切開支仍取給於經費局

坡貢國民學校宣統二年文生鄭毓英潘滌淵創辦學生三十名教員二人管理一人經費取給於學租十四石屠捐三十五兩八年團防局紳何其鑑陳國柱增辦高小二班經費由經費局領取校舍系財神廟義學館改修

繁花國民學校民國二年文庠陳徽鑿創辦以屠捐為經費校舍就該寨永興寺設立學生三十名教員二人五年加辦高小二班學生二十五名教員二人財政統一後開

支仍由經費局發給七年畢業一班後因經費不敷歡整
改高小為私立收學費辦理經費局予少許補助六年附
設國民女子小學一班學生二十人教員一人十年男女
各班均由經費局領取

把路兩級小學民國五年楊森暨趙齊賢創辦校舍就本
地關帝廟及龍泉寺設立學生七十名教員四人經費由
經費局發給後因招生困難高小已停辦

坡麻兩等小學校民國五年羅文煥黃中吉創辦校舍假
羅氏宗祠學生五十人教員三人經費由經費局領取

新鋪國民學校民國四年丁體泰吳紹典創辦教員一人

學生二十名本係私立教員蔡彬辦理視學查具成績尚
優補助五十元

沙營國民學校民國六年文生夏元愷等款創辦校舍假
該地觀音閣設立學生二十六名教員一人八年視學查
其成績尚優補助四十元

雞場坪國民學校民國四年武生鄧登榜劉華品周天福
創辦學生三十二名教員一人經費由經費局領取

打穿國民學校民國三年王本曹創辦款由地方籌給五
年改由經費局發給十二年經費困難改為私立但以後
視學若查其成績優亦可補助

八十石國民學校民國五年廉生盧德模附生羅國治武生羅國藩創辦學生二十八名教員一人校舍假坡甯觀音廟經費由地方自籌經費局補助後因招生困難停辦新場國民學校民國六年楊雲章創辦學生二十三名教員一人校地假該場文昌宮設立經費由經費局發給後因招生困難停辦

北口國民學校民國三年羅澤昌余光榮創辦新建校舍學生二十四名教員一人經費由經費局領取嗣因招生困難停辦

納見國民學校民國四年王艾卿創辦校舍係假民房學

生二十名教員一人經費由經費局領取後因招生困難停辦

關嶺縣志訪冊卷五

武備志 營汛 驛站 兵事

營汛

按永寧汛係永安協左營永安協原為盤江守備營雍正九年改為永安營移駐卽岱嘉慶三年移黔西協於永安乃改營為協分防永寧汛左營守備一員把總一員外委額外各一員兵一百二十五名與永寧州同城分防關索嶺千總一員外委一員兵一百二十九名分防募役汛千總一員兵七十名分防坡貢汛把總一員兵五十五名分防上掛汛把總一員兵五十名永寧汛管本汛塘一上與

關嶺縣志訪冊

卷五 營汛

一

盤江汛之黃土塘交界黃土塘與永寧之本汛塘交界下與關嶺汛之安籠鋪塘交界關嶺汛管本汛北口安籠鋪大凹哨樞皮卡五塘安籠鋪塘上與永寧本汛塘交界樞皮卡塘下與安莊汛之白水河交界北口石巽募役汛之新橋塘交界大凹哨塘左與坡貢汛之新寨塘交界募役汛管大水溝新橋二塘新橋塘左與關嶺汛之北口塘交界募役汛上與定頭汛之花江塘交界右與上掛汛之碓上塘交界上掛汛管碓上一塘上與龍場汛之九盤塘交界下及左與募役汛交界坡貢汛管本汛坡頭凡花新寨四塘坡頭塘上與永安營之叮嚀塘交界新寨塘下與安

莊汎之白水河塘交界右與關嶺汎之大凹塘哨塘交界
以上係就永寧州治而分上下左右也永寧汎在城塘安
兵四名安籠鋪塘黃土塘新鋪塘北口塘關嶺汎塘楸皮
卡塘坡貢凡花新寨坡頭等塘亦各安四名光緒中葉永
寧原設守備一員把總一員外委一員實存守兵五十一
名內存提存守兵六名留營守兵六名實存駐汎兵三十
九名關嶺汎千總一員外委一員裁撤駐汎兵十九名留
汎兵十名提存兵二名募役汎千總一員駐汎兵十五名
留汎兵十名提存兵二名上掛汎把總一員駐汎兵八名
留汎兵五名提存兵二名坡貢汎把總一員駐汎兵十六
名留汎兵四名提存兵二名

驛站

名留汎兵四名提存兵二名

坡貢驛在坡貢上至郎岱四十五里會典作六十里下至鎮寧五

十里會典作六十里以關嶺驛丞加巡檢銜移駐管理坡貢站在

坡貢坡貢驛丞管理驛設馬五十匹馬夫二十五名站設

長仗百名事在康熙四十一年巡撫王燕所題舊志曰關

嶺驛在關嶺上走永寧下走鎮寧本驛驛丞管理查城驛

在永寧州上走盤江下走關嶺永寧州知州管理盤江驛

盤江腰站康熙十年巡撫佟鳳彩題設初以永寧州吏目

管理十二年巡撫曹申吉題設驛丞管理前知州黃培杰

曰按佟梅軍疏貴陽之西至雲南者如查城驛至安南驛
實有一百餘里除無名坡嶺不計外中有梅子坡黃土坡
北極觀坡盤江坡保甸坡哈馬坡高則一望無際深則萬
丈有餘應於盤江設一腰站永寧州有吏目一員可以移
至盤江腰站喂馬支應而督理銷算仍責成永寧知州雍
正六年制軍鄂爾泰以赴滇道路甚險開闢通真新路酌
設驛站較舊站減二站道稍平裁闕嶺盤江等驛設坡貢
驛將闕嶺驛丞移駐坡貢盤江驛丞移駐那當乾隆十九
年裁坡貢驛丞其驛歸永寧知州管理查城站在順治十
八年十一月裁撤今郵路通行無復有驛站之設矣

兵事

咸豐四年逆義楊隆喜率部由安順竄永寧蹂躪居民被
害者不可枚舉韓統領率兵追剿乃引去

咸豐五年烏担山一帶夷民謀逆蠢動鄉民大受擄害八
年知州戴鹿芝攻石頭寨不克夷匪勢益熾九年總兵羅
孝連道員趙銜山統兵會剿鎮寧廉生華喜亭帶團兵作
嚮導攻下盈麟甲斬首五百餘級轉攻石頭寨破之斬賊
首伍理春扁担山一帶望風而降夷匪稍輯

咸豐八年庚申太平天國石達開兵入黔衆數萬由興義
五屬竄入永寧當是時太平日久人不知兵雖有營兵衆

竄不敢知州胡繼學倉卒聞變募民兵數十與民壯數十親至盤江堵禦方至沙灣即被害石部兵長驅直入城陷時五月五日也至十一日糧盡自引去

咸豐末年興義五屬變亂知州李崑知八十石攔渡生員曾炳然辦團公正勇敢遂札炳然督帶團練數百隨羅鎮軍考連助剿由六馬魯容過江入貞豐境進剿自十月至十二月賊悉平羅鎮軍李州牧以炳然帶團練助剿有功奏保學正銜以訓導補用後匪踞放牛坪炳然仍帶練助剿至同治元年五月賊乃平興義府州縣五屬炳然助剿之功亦多後又有楊打匠陳牙玉往河外勾引大匪楊九

率千餘人由董箐過河踞黃岡坡於十二月偷破本寨空殺死施老九繼又有八十石大樹寨之華二等投匪引匪入境住紮各村寨令地方宰猪出米歡迎砲聲震地八十石一帶人心驚懼炳然整頓團務稟請知州汪維翰轉詳安順知府畢大錫及巡撫曾壁光請兵救援不久即得羅軍門孝連統兵由鎮寧至扒子場進攻進剿炳然仍帶團練協助擒獲華二等數匪正法匪由是退於河外羅軍門嘉炳然之團錫其名曰忠義團四年白旗匪首張大司馬帶賊數千破募役司踞其地是新舊兩匪約二萬餘大水漫關嶺一帶人民驚恐大率順賊保家連調數營圍攻曾

家壘鄰壘救援死者不計其數各壘見勢危急星夜私入
曾家壘會炳然願奮勇保護其眷屬送往安順避難炳然
堅執不從寧死不肯失信衆無奈何各自奔回自十二月十
五賊圍攻至二十日外無援兵內乏食物衆僅甚壘乃破
二十一日將炳然及其子元傑與募役墳山之朱錦臣及
其子玉階四人解往董旁交匪魁訊辦匪魁傳三妹再三
勸其投順并授以職炳然大罵不從四人遂被害二十四
日安順府畢公大錫統兵至下募役聞炳然父子被擒不
屈死甚為惋惜後趙軍門德光削平賊匪次年正月始往
收其屍時已逾月餘蟲鳥不敢犯

同治初夷民作亂烽烟四起燒殺劫掠殆無寧日知州李
李崑募勇數百跟踪追剿州之四境足跡幾徧在任三年
未嘗在署一日迨亂稍平又率勇往安南剿新城回巢道
出安寧始為隊長盧鳳標所費遂遭伏賊之害

同治四年回衆踞新城貞豐南籠安南為巢穴意猶不足
渠魁金阿苟命納元帥督衆犯州境署知州袁濬川庸劣
無能聞警策馬沿街呼曰賊將至矣我不能戰守爾等自
逃身命我去矣城遂陷五年春趙軍門德光率師克復州
城賊引去趙師跟追過河始還厥後苗匪岩大五忍去忽
來人民不堪其苦逃亡殆盡衙署廟宇民房盡成焦土願

垣敗址蔚為荆棘且為鳥獸巢窟矣
同治五六年苗賊回匪竄擾西邊故一帶貢生沈立卓率
其侄廩生宗塘宗澍宗溥文生宗芳宗書宗標與鄉人葉
空禦之後為賊破獲勸之降不屈死

同治六年水城黃大苗率部數千由關嶺至十三旗葉壽
廷與村人預築獨坡壘壘前有小河環繞頗險要鄰壘多
失守黃遂集眾圍獨坡壘喜廷發大礮擊之斃黃部十餘
人俄而礮炸喜廷死之其妻蕭氏以穀分給壘人固力死
守黃部踞十三旗年餘迭次圍攻壘人協力同心無懈可
擊會黃部以糧盡引去喜廷名汝霖本鎮寧十三旗人特

獨坡為永寧地因紀之

同治七年州城被賊毀九年知州徐樹德暫設署於凡花
有賊首廖天顏帶賊千餘踞响樂壘先是知州楊宗藩札
監生羅尚鴻籌辦春桂兩營糧餉仍飭帶團練協攻响樂
壘擒獲數匪就戮賊首廖天顏亦遂投誠地方稍平復札
尚鴻監修永寧衙署七月落成楊州牧移回新署以尚鴻
辦團籌餉頗有勞績請獎給五品軍功

八年知州楊宗藩就職接印於凡花月餘政治粗就乃招
復流亡草創衙署民房重整城垣金阿訇又命譚元帥五
受興兵來永圍攻四十日上峯委譚分統救援不幸城下

一戰分統陣亡於蕭家灣宗藩身先士卒日夜登陣守禦益力所恨者外無援兵內伏奸宄堂堂官吏竟作倖國賊擊宗藩至貞豐獻俘賊魁欲降宗藩先以重利誘次以白刃脅宗藩不從大罵不韜遂被殺於貞豐蠻牆外其時紅日方中忽而黑霧迷漫天地變色後貞人感其忠正勒石大書查城刺史盡忠貞數字至今尚存

八年苗賊岩大五竄擾入境徧地居民幾受其害是時惟舊營武生何光明身充總團差可與賊相抗遠近藉其庇蔭幸得少安繼有賊名張二疙瘩者率賊千餘意欲攻取州城至盤江橋光明帶團兵與之抵抗相約不用兵戰伏闕願錄志訪冊

卷五 兵事 警察 國防保甲 七

此交鋒光明勇往直前竟將疙瘩首級取回餘賊被退全城賴以保存但餘賊忽去忽來不時又退踞烏担山賊巢後得陶軍門統兵駐紮猗猗墳剿撫兼施夷人自是乃不復反

警察

保安警察宣統二年設有警察兵四十名隊長一名副隊長一名日行操演槍枝條五子九子毛瑟快槍等類除外操外每日上講堂二次由教練加授警章如行政警察警務要旨司法警察違警罰法等至司法警察並未成立

國防保甲

本縣團保向未分區全境約十三團每團設保正一人或
二三人不等初無所謂團兵也若遇有非常事多調鄉民
暫充每團置大旗一首小旗四首每甲分置旗幟一首器
械多由民間置備無分戈矛刀叉洋標桿子鳥槍火槍之
類民國七年後劃分九區每區設區長一人保董二三人
本城設局長一人每區練鄉兵二十人城倍之擇土著青
年輪流更替由省畢業之保衛團學兵充當教練但少新
式槍枝所有槍枝多用洋炮餉糈由各區分上中戶自行
捐助

關嶺縣志訪冊卷六

秩官志 職官 官蹟 土司 主職

職官

以下各官均與舊志銜接

永寧州知州

譚希杜 湖南湘鄉縣廩生光緒二十四年十一月署重

修培風閣

涂步衡 江西奉新縣內閣中書二十五年七月任力行

義舉清理公客田祖開辦武備學堂新修節孝

祠尋調署仁懷直隸同知

關嶺縣志訪冊

卷六 職官

一

黃鳳祥 雲南建水縣舉人二十九年四月署重修三皇

閣

劉 澂 雲南鎮南州舉人三十年三月署

李鍾杰 浙江會稽縣人勞績任貴定縣事三十一年四

月署歿於任所

婁德鏡 浙江山陰縣人三十一年十一月由募役巡檢

代理

林廣堯 浙江鄞縣舉人任都勻縣事三十二年三月署

開辦高小學堂

陳慶慈 湖北荊門州舉人三十三年五月任七月張署

貴鎮縣尋署大定府事

李傳璋 四川資州舉人三十三年九月署

朱朝琛 雲南臨安府舉人三十四年八月署修三忠祠
舉辦師範傳習所調署桐梓縣

楊瑄 湖南長沙縣四品廕生宣統元年十一月署除

暴安良

關嶺縣知事

劉楨柱 湖南人民國元年三月由募役巡檢代理

張銘 貴陽府歲貢生民國二年四月代理任內奉文

改縣

關嶺縣志訪冊

卷六

職官

二

吳作茶 遵義縣附生省議會議員民國三年十月代理

陳鍾華 貴陽縣孝廉方正民國四年由威寧縣調此十

二月一日到任五年九月十六日移駐募役新

縣

永寧州訓導

羅慶雲 綏陽縣歲貢生光緒二十一年正月署

劉祖瀛 黔西州歲貢生二十三年五月任歿於任所

馬克成 貴陽府歲貢生二十六年七月代理

蕭森林 貴陽府附生二十七年八月署

劉仲魁 威寧州歲貢生二十八年十月任

吏目

李廷璋 浙江山陰縣監生光緒二十七年九月署

余敦堯 四川邛縣吏員二十九年五月任

張仕敏 江西人宣統三年七月署

募役司巡檢

清

趙殿聲 雲南鎮雄州人光緒二十五年八月署

婁德鏡 浙江山陰縣監生二十六年八月任

陳式鈺 四川人二十八年七月署

楊 翌 四川人二十九年七月署

關嶺縣志訪冊

卷六 吏目 巡檢

三

梅焯仁 湖南人三十年十一月署

婁德鏡 三十二年三月復任

趙煥南 湖南人宣統二年二月署

梁渝生 四川人三年二月署

劉立光 安順人三年十一月代理

民國

劉楨柱 湖南人民國元年一月代理

李艸基 湖南人元年三月代理

楊潤生 雲南人二年二月代理

募役分縣縣丞

王嘉植 雲南人二年八月代理是年奉文改為分縣
馮蜚聲 甯安縣人二年九月代理

廖鵬 貴陽縣人三年五月代理

唐化行 鳳泉縣拔貢四年六月代理五年九月十四移
駐永寧舊縣

汪桂榮 餘慶縣歲貢生六年八月代理

守備

黃勝發 安平縣人光緒二十一年七月由盤江千總調

署

湯懋昭 四川銅梁縣武舉二十二年十月署

關嶺縣志訪冊

卷六 縣丞 守備 四

顧寅基 貴陽府人雲騎尉世職任募役千總二十四年
二月調署

李裕泰 雲南武舉二十五年二月署

保運祥 貴陽府人雲騎尉世職二十六年一月署

喻德芳 貴陽府人雲騎尉世職二十六年十二月署

倪呂英 貴陽府人騎都尉世職二十八年二月署

羅榮華 清平縣人二十九年十二月署

顧寅基 三十一年八月再署

蔡信先 貴陽府人三十二年十月由永安協存城千總

調署後補提標中軍守備

王興廉 貴陽府人雲騎尉世職三十三年九月署

蕭光漢 貴陽府人雲騎尉世職三十四年十一月由盤

江千總調署

朱義臣 安徽歙縣人由軍功歷保都司宣統元年九月
任裁缺後無力回籍民國八年歿於雋縣

把總

周立庸 由坡貢汎把總調署自光緒二十一年起

張光炳 由儘先把總署

方萬發 由藍翎把總再任

戴占春 由軍功署

關嶺縣志訪冊

卷六 守備 把總

五

戴金鏞 由軍功署

簡天恩 由騎都尉世職署

周忠誠 由坡貢把總調署

外委

伍鎮國 由軍功署

龍信賢 由軍功拔補再任

劉世周 由永安外委調署

李建青 由軍功署

朱敦典 由軍功拔補

關嶺千總

詹福興 湖北人由儘先千總署

李開科 由永安協右營把總署

葉青雲 由安義鎮標千總調署

黃發威 廣東人由軍功歷保任

外委

孟金榜 雲南人由軍功任

募役千總

葉青雲 由安義鎮標千總調署

顧寅基 光緒二十五年復任升補捧鮮營守備

汪文惠 四川人由軍功署

關嶺縣志訪冊

卷六 千總 外委

六

方萬發 由把總署

蕭光漢 由盤江千總署

黃雲山 貴陽府人由雲騎尉世職署

方萬發 由永寧汛把總調任

包維藩 由軍功署

徐先德 由把總署

吳保和 雲南人由儘先千總署

劉樞霖 由軍功署

上掛把總

方萬發 由永寧把總調署

盧占元 由軍功任

方恩鴻 由儘先把總任

陸蔭林 由軍功署

蔣作先 由軍功署

周忠誠 由把總署

坡貢把總

李開科 由永安協把總調署

方萬發 由永寧把總調署

周忠誠 由平遠協外委升任

張文吉 由儘先千總署

關嶺縣志訪冊

卷六 把總 官蹟

七

官蹟

永寧知州 已見舊安順府志者不錄

清

劉曉江 江西彭澤人少負志節從軍入雲貴授宜章知

縣擢永寧州民呼為福星吳三桂叛從將軍傅

宏烈討賊有功升平樂府 江西通志

賴晉 字畫人江西廣昌人乾隆戊辰進士任永寧州

撫綏苗僭感孚寧帖時軍行旁午君駐邑二載

餘露處戎馬間輒歷數夕旋奉檄往覈威寧銅

廠代理驛站以疏忽註議得鐫級調用洵如也

黃培杰 浙江會稽人道光十五年以名孝廉來宰是邦
創修州志除弊興利善政極多後升思南思州
都勻石阡等府政治清明戰功卓著為黔中不
可多得之員集使李元度為之立傳

戴鹿芝 浙江烏程人進士咸豐六年署州事愛士民出
於至誠後署開州身入賊壘諭何逆降賊以青
天呼之逾年城陷殉節入祀昭忠祠有傳

胡繼學 咸豐十年任永寧州知州時太平天國曾廣依
等自貞豐犯永寧勢銳甚繼學聞賊至盤江橋

關嶺線志訪冊

卷六 宦蹟

八

州西三十里東為州地
西為普安麻安南縣地調練禾集以百人馳至
沙灣力戰死賊遂陷永寧

李 崑 四川內江人咸豐十一年由大塘州判擢任臆
識兼備時土匪四起募勇殺賊不分畛域陣亡
於安姑訓導楊域林為之立傳

楊宗藩 四川人同治八年署州事招集流亡獨守孤城
忠勇成性婦孺知名後為賊繫至貞豐不屈死
舉人楊文暢為之立傳

施 耀 浙江人同治十三年署州事誘賊自謝老五置
之法捐廉倡修大成殿精明果決

梁宗輝 廣西人舉人光緒元年六月任州事慈惠愛民

許叔任 繼施州牧績修大成門東西兩廡不逾年告成
四川人光緒八年署州事政簡刑清民懷更畏

崔 曠 湖南寧鄉舉人大批知縣光緒九年任永寧補
修城垣增加二門愛民教士永邑向無考棚歲
科兩試均在署中彙童公創修之人咸稱便著
有地圖志便覽兵荒末議闕險紀要入境須知
兵法便讀等書

沈毓蘭 雲南昆明人由附生歷保知州加運同銜光緒
十二年十一月任永寧續修州志重修文昌閣

炎帝宮先農壇樞星門心存愷悌民皆安業至
十八年普安寇擾永屬接壤人皆驚恐嚴緝奸
匪悉治以法民賴以安至二十四年劫篆在任
之久無如公者

冷步衢 江西奉新人進士光緒二十五年七月任州事

甫下車亟振文風慮生童見聞不廣捐廉二百
購書貯書院聽人觀覽是時停科舉即辦文武
學堂厚以膏火公餘常到校親授算術講演不
倦又恐經費不充清理公客田租約得四百餘
石力行義舉重修節孝祠溝通百丈泉并建花

江石礪上峯以其廉能調署仁懷直隸同知

林慶堯 浙江鄞縣舉人光緒三十二年由都勻縣調署
創辦高小學校頗著成效

朱朝琛 雲南綏安府舉人光緒三十四年署州事修三
忠祠表彰殉節留心教化慮教員缺乏創辦師
範學校傳習所

楊 琯 湖南人四品蔭生補授寶安縣宣統元年署州
事辦理城議董會警察實心實政除暴安良反
正時維持秩序有條不紊

楊棧林 字芄臣舉節舉人光緒十六年任訓導學問深

關嶺縣志訪冊

卷六 官職 土司

十

醇才華秀茂在任四年振興文教汲引士類重
修學署明倫堂啟聖祠主書院講席分修績州
志後以會試去任門人王紹謨黃漢銘等為之
豎去思碑

馬世臣 咸豐十年任永寧州募役司巡檢時粵賊陷永
寧安順知府周夔敗賊保關進至象鼻嶺攻走
城賊賊走打榜渡河折由募役司遙鎮寧賊勢
甚鄉團多營屯避募役遂陷世臣死之

土司

本屬舊設有土司三一為募役即今募役司在元稱寨有

者氏別族阿辭稱寨長明洪武十四年隨征南將軍運糧
通道平普定十九年隨征西堡有功頒授募役長官司隸
安順州二十五年改隸普定衛辭傳彝彝傳阿更永樂元
年賜姓禮更名山傳福海福傳晟正統三年改隸永寧州
七傳而至廷試至清康熙十九年帶土兵六百防守盤江
又七傳而至緒周歷乾隆十六年領乾字一萬一千六百
五十七號募役長官司印一顆管理四馬地方六十五大
寨緒周傳弟縉周縉傳襲衡襲衡故其甥安承興承襲興
故襲衡之母禮安氏代理嘉慶二年遭變安氏病故之嗣
遂改土歸流設募役巡檢司

一為頂營司元亦稱寨自洪武十二年羅錄選充寨長原
籍江西金谿縣人隨安陸侯征西堡等處有功十九年頒
印授頂營司長官司初隸安順州繼隸普定衛正統三年
改隸永寧州自錄十一傳而至洪勛清順治十五年投誠
准襲前職給有印信號紙管理頂營等外村寨傳至其孫
嵩雍正八年出師烏蒙把守七星關隘十年出師台拱俱
有戰功三傳至瑤乾隆三十四年領乾字一萬四千三十
三號印一顆管理二馬地方一十八寨嘉慶二年仲苗叛
瑤從知州守城率順苗助防西關坡瑤卒天麒襲又數傳
而至汾汾子發枝早喪嫡孫興威例應承襲

一為沙營司明洪武十四年沙先投誠以功授沙營長官
司十傳至裕先清順治十五年歸附授原職無印信有號
紙管理沙營等寨裕先卒起龍襲康熙十九年以土兵三
百助守盤江傳至盡美雍正十三年帶三司土兵四百從
征台拱領沙營長官司鈐記一顆盡美陣亡傳再昌再昌
乏嗣其妻沙安氏代安氏故後子婿安榮誥承襲管理一
馬地方一十七大寨厥後無人承襲遂廢

按明史通考皆祇載募役項營二司未載沙營司一統
志雖兼載沙營司而其建置未詳茲據通志三司冊詳
載

關嶺縣志訪冊

卷六 土司 土職 十二

六馬土職

上三馬

樂紀壘土舍王應時後裔原籍浙江餘姚縣人應時次子
國卿分管樂紀地方清康熙十九年國卿十二世孫世美
隨征有功賞給土千總職銜世美卒正統襲正統傳天旋
天旋傳兆春後為運昌襲

打罕哨土舍王應時後裔明洪武二十年隨征裸土營美
魯福祐有功授土守備職銜領有印信萬曆三十七年王
璉年幼遺失印信革去土職清乾隆四十年清釐土職案
內奉准應留土職飭令王勝恒承襲領有雲貴總督委牌

勝恒傳兆紋後德昌襲

八大哨土舍亦係應時後裔應時長子朝卿承管打罕哨地方傳至九世孫王惟次子王朝分管八大等寨朝四傳至天柱兩傳至濟林後板樂王績富代襲

下三馬

樂運哨土舍原籍浙江餘姚縣人始祖王國賓於宋時隨征有功授長官司職世襲傳至王階於前明天啟七年繳銷號紙清康熙十九年有王定者隨征吳世璠有功賞給土守備職銜雍正六年定之孫正邦從提督楊天縱招生苗有功授土千總正邦卒天錫襲天錫病日恒代嘉慶二

關嶺縣志訪冊

卷六

土職

十三

年正月仲苗反日恒帥土民扼要尋入永寧州防守後大兵至具舟於下江龍渡護送軍需於高坎十年頒鈐記管樂運一馬地方日恒傳兆麟兆麟道光十六年歲貢生後王由欽襲

樂壩土舍王國賓十三世孫珍於清順治十五年率土投誠呈繳印信號紙康熙九年珍隨征有功予守備銜雍正六年其孫正泰亦從提督楊天縱招撫生苗有功賞千總職銜正泰卒國英襲國英無子傳弟國忠國忠卒文品襲領有鈐記一顆道光五年繳銷後朵萬王由忠頂襲

播西土舍亦係王國賓後裔明天啟七年王階繳銷號紙

堂弟王顏分管播西地方屢傳至十六世孫謹恆無子其
侄濟祥代理濟祥之嗣從子扶基應襲後則王績明頂襲
江外總目一員姓黃氏管理江外半馬地方村寨苗務
按六馬土目洪武二十一年王應時隨潁川侯擒叛酋
韋卜鑾於上三馬伏泥壘許世襲六馬土目傳至王宣
弟兄不睦控爭遂平分村寨分充土目後又分至廿各
管地方征收錢糧解州與三司等特無土官之品秩江
外土目黃姓始亦一人後漸分為四各管地方與六馬
土目等

關嶺縣志訪冊卷七

人物志

選舉

議員

鄉賢

文學

武功

選舉

以下均與舊志銜接

進士

侯葉封

中式二百名任廣東龍門縣

舉人

劉端甫

道光庚子科中式十九名

王與蘭

道光癸卯科中式二名

張煥文

光緒壬午科中式十四名

關嶺縣志訪冊

卷七

選舉

一

楊文錫

光緒丙子科中式三十五名官平越訓導

副貢

王正乾

年八十二歲奮志功名得賜光緒己卯科恩榜

莫沛恩

光緒甲子科

拔貢

龍運光

道光二十九年己酉選清平教諭未赴任死於

回匪之亂

羅光奎

咸豐十一年辛酉

楊文彬

同治十二年癸酉

張宗植

光緒十一年乙酉

王紹謨 光緒二十三年丁酉

沈寶焜 宣統元年己酉

張宗良 宣統元年己酉

黃漢銘 宣統元年己酉考職取第十一名以巡檢用錄

附拔貢後

恩貢

鄭廷蘭 道光二十六年

李森 道光三十年

饒裕 咸豐元年

胡垣 咸豐三年

關嶺縣志訪冊

卷七 選舉

二

陳嵩齡 咸豐五年

龍運松 同治四年

葉榮光 同治十一年

蔡恩惠 光緒元年

胡錫光 光緒四年

王時昌 光緒十五年

楊文超 光緒十六年

王相槐 光緒二十二年

歲貢

姜受善 道光二十七年

陳世榮 道光二十九年

任茂勳 道光三十年

李森枝 咸豐二年

修本 咸豐四年

蔡毓蘭

李焜

姚叔章

魏廷碩

沈宗藩

丁際威

關嶺縣志訪冊

卷七 選舉

三

陳堯書

時際昌

以上八名年無考

吳鈞泰 同治

聶昌祺 同治七年

劉家村 同治八年

吳光楠 同治十年

葉榮光

羅雲龍 同治十一年

宋培基 同治十三年

劉正榮 光緒元年

甘培澤 光緒三年

莫沛恩 光緒四年

王德昭 光緒六年

葉觀光 光緒八年

楊文偉 光緒九年

蕭景星 光緒十一年

沈良瑞 光緒十二年

潘廷銑 光緒十三年

項光輝 光緒十五年

閩嶺縣志訪冊

卷七

選舉

四

蔣錫周 光緒十六年

莫沛豐 光緒十八年

陳大榮 光緒十九年

莫沛霖 光緒二十一年

吳培周 光緒二十四年

龍運乾 光緒二十六年

盧政鴻 光緒二十七年

鄭宣燁 光緒二十八年

羅尚文 光緒二十九年

陶際昌 光緒三十年

潘鳳鳴 光緒三十一年

張德馨 光緒三十二年

簡元臣 光緒三十四年

以上舉人拔貢副貢恩貢歲貢道光以上有府志可考
茲不錄

武舉

莫沛蒼 光緒己卯科

趙連璧 光緒癸巳恩科

議員

永寧州議會

關嶺縣志訪冊

卷七 選舉 武舉 議員 五

民國元年創設

民國三年三月停辦

議長余書田

議員二十四人

城議會

城議會設於宣統二年

民國三年停辦

議長聶煥祺

議員二十人

董事會

董事會設於宣統二年民國三年停辦

總董梁仁安

鄉賢

陳宏爵 字良貴世居凡花乾隆戊子科舉人大挑知縣
原任直隸衡水縣知縣歷任三河阜平等縣大
有循吏之目後以年老致仕囊無私積以教授
生徒為事循循善誘其生徒之登賢書者有人
食廩餼入泮宮尤更僕難數曾入過本屬全榜
村中號曰陳一榜性慈良生平善舉最多好賑
貧乏恤孤寡建寺觀修道路孳孳為善子孫繁

關嶺縣志訪冊

卷七 鄉賢

六

衍至今未艾人以為積善之報云

易學海

字融川永寧團圓河人嘉慶二年歲貢任都勻
府訓導性至孝事父母順志承顏色養備至品
行端方矩步繩超德隆望重為地方模範進士
楊茂材曾為之傳見州志

楊致中

字毅本邑處士世居關嶺忠厚謹醇士論允
協原任廣西西寧縣楊茂材之父也前知州曾
為立傳見州志

黃中理

字純菴邑貢生行端品正潔清自矢知州劉嗣
矩贈以品重成均之額懷才不售教人循循善

誘正大嚴明捷南宮登賢書者有人采芹食饒者尤指不勝屈人以鍊鋼稱之歸安鄒松祺為之立傳

楊茂材 字梓園道光癸未科進士原任廣西西寧縣知縣學養純粹為全州冠有傳見州志

修武謨 字偉堂由拔貢中道光戊子科舉人有神童之目為諸生時即留心學校登賢書後請廣學額武之力居多而修州志主講席多年得士頗盛前輩以有為稱之洵然

張紹德 字樹堂邑明經舉人張煥文之父也天資樸茂

關嶺縣志訪冊

卷七

鄉賢

七

孝友性成捐資二百創辦維風書院有功名教州牧梁宗輝曾為立傳

沈宗濤 字又山道光乙未科副榜品學兼優手著全部四書文以傳家懷才而未能大用士論惜之教授數十年門下士極多州牧黃培杰屬以分修州志亦可想見其為人矣

吳寅邦 字清臣拔貢任銅仁府教授學問深醇年高德劭修安順府志歷主安順清鎮貞豐書院講席門下高弟極多自解組歸尤偕郡人力倡義舉至今猶稱道弗衰云

葉增光

字益齊邑廩生品行端正勤學好古年二十餘
僑居安順教讀三十餘年舉貢生員出其門者
百餘人所著四書正字訓蒙學者視為寶笈生
平寡言笑晚年留心寡過每日所行必書於冊
夜間查閱有過則不能安寢其誨人不倦至今
猶為郡人稱道卒年五十餘歲

聶昌祺

字質夫本城人同治七年歲貢質性渾樸學有
根柢游泮時文冠全屬懷才不售終老明經光
緒九年署開州訓導解組歸來崔州牧疎深悉
其品學兼優敦聘主講維風書院端士習振文

關嶺線志訪冊

卷七 鄉賢

八

風出門下者頗衆又於課餘監修耆耜落成誌
其聯曰教化已風行斯人快覩貞元象文明應
日起諸子須增史乘光

王正乾

字權菴家貧好學至老不倦年六十餘始入泮
勤習舉業年八十猶奮志功名得與光緒己卯
科恩賜副榜性鯁直言語不苟城鄉奸佞之徒
皆忌憚而遠避之

王玉汝

字晚成庠生辦理團務同治年間賊匪頻臨凡
花危如累卵王玉汝激以大義衆志成城賊攻不
入惟岩大五以數千賊偷進卒能巷戰驅出不

遭蹂躪由是凡花威名大振徐州牧遷治於斯
後以帶鄉勇保城克復安南功保舉試用訓導
宋培基 字心齋邑明經品學端正溫厚和平辦理團務
有年無機詐心每勸人以力耕息訟待士尤能
體恤單寒於慈善事罔不為之嘗獨力捐資修
路迄今人猶口述其功德云

黃昌平 字道安邑處士修德行仁端方醇謹兼通醫術
貧富均為診治愈後亦不索謝直道而行一鄉
信仰學使朱福詵觀風至永贈以揭德鄉閭匾
額教員葉裕良為之立傳見藝文

余占元 字次梅職員謙和謹厚有經濟才幹二十餘
年解紛排難見信鄉閭地方常資臂助知州涂
步衢詳請巡撫鄧贈以績著梓邦匾額辭職後
頤養天和非公不見邑宰子孫繁衍四代一堂
年九十歲精神猶健

文學

張煥文 光緒壬午舉人少明敏能文章品尤端正分修
續州志經其手訂主講維風書院多年以培養
人材維持風化為事

楊文暘 光緒丙子舉人任平越訓導能文工詩兼習堪

輿醫術傳得其父茂材衣鉢卸任歸主講鎮寧及邑書院有年得士頗多尤以振興文教為務歲貢生任大定府訓導富有經濟性好畫竹字仿孫竹雅太守

武功

張成貴 字耀廷像貌魁偉勇力絕倫同治年間由行伍出身仕至雲南普洱臨沅鎮總兵官每戰必身先士卒身體前後受傷數十有槍彈數丸深入骨中不能取出傷愈後猶強健如恆光緒二十八年榮歸三十二年卒

關嶺縣志訪冊

卷七 文學 武功

十

王紹謨 字顯文幼有神童之目年十三入泮光緒丁酉拔貢屢困場屋投筆從戎饒有軍事學問張觀察駐兵興義防剿游勇謨屢立戰功後入滇南尋陞陸軍管帶駐宜良因事論戍新疆宣統三年民軍起義新督委以軍職乃以母老馳歸奉養抵家未一年而卒

趙德光 任貴州提督有傳

何其仁 任仁懷營都司

忠義

曾炳然 擺渡文生忠勇成性咸同間賊屢犯永炳然聯

圍禦之羅軍門孝連嘉其團錫以名曰忠義事
實見兵事類同時有貢生朱錦臣與炳然均不
屈死廩生游玉麟以詩弔之云

立馬山頭望渡船擺來擺去不知年咸豐禦寇
傳曾氏同治捐軀哭炳然募役朱錦臣全家附
驥尾同至惠民山不料亦為鬼初戰猶小勝復
戰敗如水方城西城卜中堂勝不念梓與桑

獻媚回厥逞剛強逼金五百猶不足大肆回祿
火崑岡子女財物概被掠剝盡男女老幼之衣
裳禍延上郎與下郎可憐配國竹林遭砍伐晉

卷七 忠義

十一

關嶺縣志訪冊

陽喬梓亦偕亡行人悲淚落千行尹州牧尹樹棠

培灑氣發金建祠表忠義昭昭大節漢人眾俎

豆千秋永無替又律詩二首云慧皇北亂已多

年保障一方賴炳然火協同盟軍五百時窮困

執命三千假令早效武城去亦可緩除都督羶

詎料舍生而取義願將忠骨葬江邊其二云先

王耀德不觀兵無奈四郊多逆行徒將文章雜

化寇惟習軍事可爭衡東南二渡將誰守上下

兩郎即上郎下郎賴善營今刻成仁光史冊令人灑淚

服常存此二詩句多不考

孝義

盧義昌

性至孝家貧為人傭工工資悉以奉養父母對親必怡色婉容同治土匪倡亂地方失守父病不能逃義昌負父携母俄而遇賊賊憐其孝不忍加害與父母野宿數日父病畏寒時以身煖之賊退依姻妯以居仍傭工以養親雖未讀書處事一遵禮法和睦鄉里雙親歿後家道漸康延師教子廷熙入泮撫孫啟文入校畢業均為時推重云

錢國棟

素以孝友聞庚子四月母張氏病勢瀕危延醫

關嶺縣志訪冊

卷七

孝義 隱逸

十二

診治罔效即於是日夜焚香叩禱弗廖不得已於其宅後竹林內割股啖之竟復全愈誠可格天良不虛也

梁珠珍

性至孝光緒二十三年母王氏抱病日久不愈珍日夜侍湯藥不離左右見病日增乃食淡七日沐浴禱告自割其股和菜以進母疾果瘳

隱逸

龍運松

字雲樵同治四年恩貢生平渾樸無華古道照人而又醉心經史亂後僑寓安順教讀四十餘年以明經老行必以正不希非分其教人也善

誘循循舉貢廩增實繁有徒亦有入翰院者年
近古稀而歿門人黃太史桂馨輓以聯云除文
字而外別有典型豈等尋常師弟感當考終之
年預傳家政料應明白去來時

列女

聶宋氏

後寨貢生聶徵嫡母徵本庶出而宋鞠育備至
相夫教子創業興家素性仁慈凡遇親戚故舊
無力者不待明言即取諸懷而與之貧乏不能
自存之人每至其家或錢或米無不竭力以濟
由是其子徵凜遵慈訓亦以救難濟急恤孤憐

寡為務無何其夫死後子媳不數年亦相繼而
亡因悲過度兩目失明更撫其孫男婚女嫁遠
近鄉里無不頌其淑後長孫煥祺以任武庫四代一堂
哨長次孫宗祺入文庫明祺入武庫四代一堂
享年七十八而歿人皆以為厚德之報云

萬王氏

生員萬銓之妻監生聯魁之母夫亡時氏方二
十一歲遺子聯魁矢志撫孤數十年勵志冰霜
不渝初志卒撫子成立賑濟貧乏接交名流足
見其義方之訓非尋常可比地方紳耆欽其苦
節撫孤聯名請旌得旨旌表其子擇坊於確窩

田驛道上往來行人無不竚足仰觀流連歎美
舒進明妻年二十七夫歿遺一子一女氏矢志
柏舟誓死靡他入省城尚節堂撫孤子榮昌業
儒自立回籍完配四孫繞膝貴州巡撫曾璧光
曾為請旌卒年七十四歲

曹陳氏 商人曹應科之妻夫亡時氏方二十二歲其子
發祥僅二歲時值地方變亂氏負發祥自鎮寧
移居凡花奔走流離千辛萬苦及至凡花身無
立錐紡績織屐以全活卒撫子成立有孫五人
濟濟挺秀家道漸豐亦苦節之善報也

陳楊氏 陳邦基之妻夫亡僅遺二女氏矢志不移雖家
不甚豐而茹苦含辛數十年如一日雖白髮蒼
蒼而貞靜幽閑令人欽敬卒年八十五歲
陳王氏 凡花陳澤安妻夫亡時氏方二十六歲遺一子
二女禾幾子亡氏志堅松筠心同金石紡績度
日不以貧苦易操卒年八十有五

黃張氏 黃昌海之妻年十七于歸二十八夫亡誓死靡
他生一子三女賴氏節儉以撫之後其子治朝
十五而亡僅遺三女遺嫁畢氏覺覺子立形影
相弔卒年六十七

關嶺縣志訪冊卷八

藝文志 序跋 傳 記 詩

序跋

乾隆永寧州志序

謝廷薰

朱紫陽蒞官所在輒搜其志乘備一方之寶錄卽所以端
一方之風化也薰幼時先君子俊公庭訓每舉當湖陸稼
書先生之生平以開示業師蒲城原簡齋夫子安平陳定
齋夫子皆切切諫薰喻義而勿喻利為人而勿為己今再
膺簡命助教永庠仰蒙大憲提撕一切品文物垂典章整
綱常美風俗咸分寄於薰之擔負而不可一日弛孔子上

關嶺縣志訪冊

卷八 序跋

一

下今古夏禮殷禮非不自能言之而猶屬望於杞宋文獻
之足徵蓋雖聖人亦不能以聰明自用也士辰夏薰時方
借補查城訓導都中晤朱主政鍾麒詢知永舊無志薰謂

然曰今天子文治盛則天下文明大郡大邑皆有志也永
何缺焉朱主政曰我永之人亦久欲修而特懼網羅之難
詳難確也薰謬不畏難首於京摘錄一統志以為根據仲

冬踐任復覓元明史新舊省志默記默書續文獻通考與
一切方籍誠不敢不乙夜搜討惟是查城南初闢於達安
其人其事之載在舊冊者甚屬寥寥苟非諸君子以永人
譚永事先親切吐實各抒所見俾薰得所藉手薰豈能憑

臆以撰耶且夫相臣之薦賢者盡一世英挺之梗楠杞梓而選之造之所以樹國樑也史臣錄善者舉千古埋藏之忠孝節義而表之揚之所以張國維也周禮小史掌邦國之志外史掌四方之志其志不同而志之指歸則同懸前鑒同激後進俾人人感發而興起在上霖雨蒼生在下羽儀鄉黨而人文賁天心順地靈暢庶績咸熙於其間然則今日即永之所宜志者還以志乎永政不徒博綜故實薈萃案牘已也正學李君肇基舊相善每互勉以整頓庠序之義自時厥後薰一一同請裁於州長申公贊皇任公鎮及蕭公梅年善公泰皆先後指南而統於司馬王公潤折

衷完稿詳呈大憲鑒定是舉也第是先父先師誨黃遺意而深賴王公成之也其在古聖賢豈敢謂竊比毫釐以上副朝廷陶鑄邊方大憲承流宣布之萬一顧薰匪勉執簡以查城人之耳目為耳目而薰之耳目不敢有所偏執以查城人之思慮為思慮而薰之思慮不敢有所專欲庶幾一筆一削或不背於公是公非若夫觀文而化成則查城人之不甘自外於同文盛世也薰曾何力之有

道光永寧州志序

賀長齡

永寧舊無志乾隆間學博謝君廷薰草創成書旋毀於兵燹閱今又數十載州牧會稽黃君乃卒成之於庫可謂難

矣難而卒能成之可謂知所務矣顧亦思州何為而有志也哉土地廣矣孰高孰下旱潦應如何蓄洩孰腴孰瘠賦役應如何均平或居衝或居僻防守應如何扼要或多山或多水物土應如何適宜則非志莫悉也人民衆矣勤靡異性孰宜剛克孰宜柔克華樸異俗孰宜示儉孰宜示禮某多鬪訟當束之以禮讓其多佚遊當導之以勤力則亦非志莫悉也既周之其土地又熟察其人民於是而政事乃有所措矣然而道與時為變通法隨世以輕重則建置之沿革前賢之摩畫學額之增減物力之登耗習尚之淳漓人材之升降上下數百年間皆須目營而心識之則亦關嶺縣志訪冊

卷八

序跋

三

非志莫悉也然則志可無作哉而亦豈可徒作哉今黃君既調黃平而猶汲汲為此則必不僅為紙上之談而余且將證其境內之象矣黃君勉乎哉

道光永寧州志序

黃培杰

州有志所以志一州之事實質於今而傳於後可以起化維風所關甚鉅也永寧向無志乾隆壬辰秋學博謝君廷薰始纂輯至丙申秋告成凡十卷署州牧王司馬潤暨紳士朱鑑吳擢田永蕃等議刊未果後經南籠逆苗蔓延城被困書遂散軼迄今又六十年矣夫自元代設州以來事歷三朝歲逾五百凡建置沿革制度典章以及風俗之變

易人文之盛衰吏治之興廢物產之盈虛莫不因地制宜
隨時損益苟傳聞失實紀載無徵其何以詳覈源流考鏡
得失俾後之人觀感而興起哉乙未首夏余奉命牧斯土
甫下車欲知是邦之故實索州乘不可得於是囑學博任
君清彥孝廉修君武謨求謝君之所為志閱數月任君瓜
代返省訪於謝君之六子庠生名澂者得數卷修君武謨
復於安南楊君嗣煊處得數卷然皆抄本殘缺不全若不
急為修葺將併此殘缺不全者久而愈不可得矣豈非司
牧者之過哉余不敢以學問謏陋自辭爰於公餘之暇檢
閱謝志正其謬芟其繁增益其所無而又考之通志以求
其全采之舊牘以核其實具有不合者則又廣為諮詢折
衷焉以歸於至當凡十有一月而業成為綱十有二為目
六十五要皆質而不文敘而不斷疑者闕之濫者黜之可
儀型者錄之足鑒戒者載之務恆於人心之公而不失乎
記事之旨以為一州之信史是則余之可告無過於斯土
者也是為序

道光永寧州志跋

沈宗濤

植圃先生會稽名宿由銓選官黔南乙未首夏來牧斯土
甫下車亟以修學校振文風為首務因訪州乘紳耆以前
廣文謝君廷薰舊有手訂抄本議刊未果積久散軼對先

生急為搜檢得殘編數卷翻閱之下恨不得覽其全故有纂修之志是秋清忝鄉薦中副車肄業維風書院丙申先生親主講席剝課之暇因以是編屬清校對清學識陋陋管窺之見何能贊辭固辭不敢先生勉以同志為詳覈其源流指陳其次第辨論其是非考正其謬失稿凡數易樂此不疲豈僅以是為傳記者耶此編一行極之千百年制度典章沿革興廢以及人文事蹟後之人皆可執卷考證則先生之有裨於人心風俗者匪淺鮮也清用是勉力仰劉先生嚙命之意敢以淺識綴之浮詞而先生創作之苦心醞藉之實學亦可於是編概見也夫

關嶺縣志訪冊

卷八

序跋

五

道光永寧州志跋

修武龔

植圃先生以會稽名孝廉校書芸館乙未首夏奉命牧壺城本文章為吏治有古大臣風甫下車緝獲積匪王起才等十四人痛懲之又訪獲帽頂大五如東瓜嶺之黃喜青岡林之羅老卜行巖脚寨之盧章成石頭寨之伍阿林打帮之羅人先土地關之胡老么綽號曰花關嶺之蔡小二綽號二募役之羅瓊儒綽號害張何興綽號二等皆兇惡素著者以次懲辦共七十餘人兩載以來匪徒歛迹聞閩安堵先生性勤儉無嗜好每日鞠庶獄理公牘自朝至暮無倦容又不時下鄉訪民間疾苦日以興利除害為事自

蒞我永重修學宮書院創設義學義倉捐置義田設普濟堂樓流所修橋梁道路濬池開溝以興水利民不勞而財不傷為我永邑計至深遠矣又以永文風較盛考試人多不憚再三籲大憲恩加增學額永之人感之其太翁壽日四鄉紳耆登堂稱祝者百數十人復公製匾聯誌先生德政匾曰樂只君子即我先生聯曰駿烈紹江陵楚翁在有政聲現遵父訓報國恩不愧忠臣孝子鴻庥垂永邑厚民生振士氣無漸象母宗師蓋道其實也先生於政務之暇修輯州志時與武商推可否書成囑武為序武學術陋何能贊詞謹以先生之興利除害惠我永邑者述之篇

閩嶺縣志訪冊

卷八 序跋

六

木俾後之尚論者有所採擇焉

道光永寧州志跋

李逢春

先生兩載牧查城西京師雨沛然盈矢勤矢慎復懷清恩威兼濟最寬平循天理兮順人情國法從來不擅更增廣學額費經營教訓生童拔雋英義倉建立賑蒼生普濟堂開廣育嬰遙引泮池水一泓修理壩陵橋不傾公餘閒暇但琴鳴百花深處犬無驚先生猶自勞元精纂修州志總其成收殘補缺邁侯鯖天文地理災祥明詳列當年循吏名備書科甲使光榮忠孝節烈用褒旌建置沿革矢權衡方言土俗物產呈奏章傳記並歌行藝文一一收瑤瓊先

生胸中貯甲兵詩追李杜吐曾吟於今六冊錦囊感合州
稱頌有公評先生功已及編氓先生無伐更無爭春來彌
月兩輸誠自慙無學載歌賡聊成長律久鏗錫專為先生
表廉貞安得長庚終古發晶瑩查城終古仰長庚

咸豐永寧州志補遺序

修武謨

歲在嘉慶丙寅十一年泮堂姪本讀書孔章兄家得永寧
州志抄本數卷殘缺過半乃乾隆四十二年學博謝公廷
薰先生作也敬讀學校節孝兩部不禁感慨太息謂名山
不朽事業非志莫傳於是抱殘守缺數十年議修不果道
光十六年主講維風書院歷經數載適州刺史黃植圃父

關嶺縣志訪舟

卷八 序跋

七

師以浙江名孝廉來牧斯土議請加額武偕進士楊君茂
材終始襄事仰見刺史學富才優亟以纂修州志請未期
年修志事竣學額猶未加也丁酉四月隨摺進京戊戌三
月蒙奏准加增文額二名武額一名進小學為中學永寧
州學額甫定四月自京歸楊君選授廣東西寧縣知縣父
師黃調任黃平歸途過黃承以修志未竣事諄切相囑後
刺史陞都勻郡伯以終養歸武偕齋長張紹本黃有華姚
煥章姚琳章李焜徐輝廷等請建總坊改炎帝宮補修文
閣後殿修節孝祠凡地方緊要公事陸續告竣植圃郡伯
以坐補都勻回黔武偕謁於會城公館請修州志補遺郡

伯囑武歸即補之逾年陳景漢刺史來署永篆整飭學校
齋長張紹德龍天培補修書院講堂武仍主講書院亦以
修志相囑咸豐二年周竹樓刺史來牧永寧除暴安良實
心實政齋長吳崇陽重建培風閣齋長黃河光潘德深王
世威重修節孝祠新建崇報祠十一月中勤民課士百廢
俱舉惟賓興一項未定議修州志未成也癸丑三年前州
牧周十夫刺史擢陞郡伯來署安順府篆裁汰永寧學月
俸陋規行諭新舊齋長將從前治永時勸捐賓興一項撥
歸賓興正款蒙父師卹雨刺史大人加惠士林振起而裁
培之學校章程永垂不朽而州志補遺之修洵不可緩矣

爰將適年紀載近事據實直書並府志先賢先儒事蹟彙
集成本呈請鑿閱囑門生龍運松繕寫翟昌期黃本厚同
姪孫元勳校對刊板書院以竣纂修州志事惟慙年迫衰
老又無學識未能修飾潤色表揚一州之盛不過志其遺
漏以備將來採擇猶是抱殘守缺之意云

光緒永寧州續志序

沈毓蘭

志者所以載地方風俗之美惡政治之得失人才之盛衰
制度之隆替與史例大同小異永邑向本無志自乾隆中
謝廣文廷薰始創修之旋毀於寇垂六十年道光中前牧
黃君植園復加編輯咸豐中又毀於寇幸哲嗣越生擢平

遠利史藏有殘稿彼此同寅契好囑為編修是以余自丁亥到任即思編補成書若務絡繹無暇及此癸巳春與楊芑臣廣文謀裔以及早編定為要會普安寇警事中寢秋初與張孝廉仲達謀定遂囑芑臣續纂並囑鄒君德滋齋長鄭宣輝吳維藩王紹謨增生張宗槐黃漢銘等採訪遺漏爰為計年又及六十何前後之若合符節殊為忻幸蒙聲易舉庶此邦文獻墜而復興稍盡司牧之責至於張興文教轉移風俗則廣文諸君之責余蓋拭目俟之矣

光緒永寧州續志序

楊棫林

永寧自元設州數百年未有志乾隆間謝學博廷薰始創

修之旋佚於南籠兵亂道光乙未浙江黃植圃先生以名孝廉牧斯土索得舊志殘本延場進士茂材修孝廉武職纂成十二卷咸豐中續有補遺付諸剞劂播亂作州境成嚴志仍燬於賊二十餘年續修無自光緒己卯黃公嗣君越生利史權定番事邑人吳廣文寅邦以書詢志稿存否利史以所藏稿貽之答書以謝志之創也得晤永先達朱主政鍾麒於京師而志始成今吳君又從千里外郵書致訪後先同揆深為忻幸邑人既得舊稿愈謀續修以集貲不易而止今州牧沈公以事闕文獻不可久闕癸巳春間謀續修有成議因普安匪徒之警暫緩其事秋初沈公以

事不可終緩力屬編輯辭不獲已援例增補復得六卷竊
思此邦志稿先後賴黃氏喬梓之力而後續成殆蒼蒼者
假手以成佳話乎志既續成不忘所自因記其緣如此

光緒永寧州續志序

鄒樹祺

邑之有志猶家之有譜也家有譜而後能齊邑有志而後
能治此不易之理也永寧州志經乾隆間學博謝君廷薰
創稿後越六十年值浙江黃植圃先生以名孝廉牧斯土
索謝志殘稿為之補輯成書付諸剞劂州志於是乎備咸
豐中孝廉修君偉堂雖有補遺不無挂漏迄今六十年其
間風俗之移易政治之得失人才之盛衰制度之隆替在

關嶺縣志訪冊

卷八

序跋

十

在均關緊要而且兵燹迭經殉難捐軀不乏忠孝烈節之
事續修之舉誠不容緩矣公餘與居停談及此事每為之
從旁慫恿俾得早為編定成此不朽之業經始於十九年
七月越年餘而蕙事有志竟成黃君不得專美於前矣余
固謏陋不文雖受居停及廣文楊芑臣之囑然皆孝廉張
君仲達秉筆居多余不過濫竽充數徒滋媿慙已耳今喜
志成爰綴數語於簡端敬謝不敏焉

光緒永寧州續志序

黃紹先

永寧自元設州治迄今五百餘年舊無志乾隆間謝學博
廷薰始草創之旋佚於南籠兵亂道光乙未先君子奉命

牧斯土亞索謝志僅獲殘本正謬芟繁蒐討增輯閱十有
一月書成得十二卷付諸剞劂永寧有志實偁於先君子
焉今年約先權定番篆有銅仁吳教授寅邦永人也以書
來諗曰吾鄉人士頌尊公政績班班可考尤思修志功弗
置惜咸豐間毀於賊今欲續修無從假手為問當年手澤
猶有存焉者乎僕舊本具在俾得踵而增之後此之數典
者足以資考鏡焉實惟幸甚約先聞之悲已而喜憶從先
大夫出入干戈戎馬間簪笏書劍百不一全獨永志寄存
筑會得無恙斯殆政治所關心血所注冥冥中固有維持
呵護者與吳君關心州乘思所自來約先曷敢自私以負

關嶺縣志訪冊

卷八

序跋

十一

先志考謝志初創時得晤永先達朱主政鍾麒於京師而
志始舉遙遙萬里忽忽相關今吳君又從千里外郵書致
訪沆瀣一氣後先同揆吾知其必有成矣通例六十年一
修今距先君子修志時甫四十餘年而中更兵燹凡所為
政治民風戶籍營建與夫一切因時變遷之故正未可一
二數斯即有志搜羅而舊乘無徵何以考證而釐定之夫
箕裘弓冶繼世稱良約先徒手是編不獲繼武先型從事
記載尅圖繼述於萬一良用為愧因吳君之函索也書以
付之尚其質諸賢司牧與邦之賢士大夫相與披覽討論
及時纂輯信今而傳後焉則我先人在天之靈必有默相

契合者又豈徒紹先之所私心竊幸也哉

光緒永寧州續志跋

張煥文

州志之修閱六十年矣中間補輯於修考廉者什之二三
採輯於梁刺史者什之四五適年屢議重修缺資中止自
楊芑臣同年司訓於茲慇懃戎菑卿父師成此不朽事業
余不敏忝勦厥事於癸巳七月開局事甫就緒楊君匆匆
北行以分修囑鄒君德滋及余鄒君精申韓學州中幕府
也稽察檔案不遺餘力余以事闕桑梓詢往事於父老不
厭求詳午衙放後刺史輒進局商推可否體例悉照舊志
逐條補入或詳或畧實事求是徒以潤色為工也自天

閩嶺縣志訪冊

卷八 序跋傳

十二

文以迄雜記凡十有二卷寒暑一週其編始定楊君養疴
京邸猶致函以是書臧否為詢誰識桑梨未付而地下修
文已迫不及待矣豈真才人為造物所忌耶何奪吾友之
述而不使之觀厥成也書成付梓嘉吾友之喜於任事而
追念於創稿未竟之謝公與修志之年月前後相符殆亦
冥冥中有定數歟爰綴數語於篇末以記其事之始終云

胡刺史濟學傳

前代理廣西黃漢銘
上林縣知事

胡公濟學者清咸豐十年官永寧知州舊志未敘其出身
亦不詳其籍貫或曰江南拔貢未知是否其事實不少概
免惟秩官小註陣亡沙灣一事至今猶噴噴人口訓諸父

老相與言公蒞任未久而又當承平之後民不知兵慘遭此變亦未嘗不咨嗟太息蓋公之臨大節而不可奪其感入人心者深也予生也晚嘗讀州志見夫城亡與亡者在明天啟崇禎兩朝有薛三貴曾異撰二公前人皆有傳以表揚之矣洵清自順治入關以至咸豐二百餘年以死勤事者則又見之於我公焉繼公之後而其死事大畧相同則又有李崑楊宗藩兩人在顧何以李楊有傳而公獨無銘所甚惑不寧惟是後此幾五十年而得朱朝琛利史詳請創修三忠祠以妥忠魂乃何以不為立傳此又銘所不解者也豈以公之出身籍貫為不可考歟抑以學問政治

關嶺縣志訪冊

卷八 傳

為未得其梗概歟銘懼夫愈久而愈失其傳也不揣謏陋因即公之奮不顧身舍生取義者而傳之明亦知言之不文行之不遠不足以為公榮亦聊以伸景仰之意云爾

王晚成先生傳

傳陳澤熙

先生諱王汝號小成晚年更號晚成蓋先生以少年之困頓而欲大器晚成也祖若父世居關嶺縣屬北區之繁花園公之高弟而獨得其不傳之秘者也入泮後一方為救燃眉之計權以教授生徒為前提一方欲圖進身之階又

以奮志科名為後盾其教授生徒也善誘循循不憚勞瘁
出先生門下登賢書者二人而食餼補博士弟子員及入
泮者僕數難終遠近學者仰之如泰山北斗亦可謂鐵中
錚錚矣獨惜其奮志科名始終罔聞常變不移卒以數奇
不獲售賞志以沒焉予因之有感矣天定勝人人定亦能
勝天申大夫嘗有是言乃先生勤學五十年磨穿鐵硯鄉
試十一次鏖戰棘闈祇冀筆墨有靈遇知己而榮膺鸚薦
文場得意味好我而宴赴鹿鳴是以年愈長而心愈堅窮
經直到白首事愈屈而志愈奮進行不讓青年詎料龍頭
不屬老成徒羨宋朝之梁灝虎榜獨取英俊偏逢蒯氏之

遇時名既屢外夫孫山身因終困夫場屋青春就傅皓首
無成花甲既翻頭空嗟青衫之誤錦標未得手定遭黃壤
之悲豈人事之未盡乎抑冥冥中自有權衡乎則申大夫
所謂人定勝天之說是耶非耶嗟乎馬不逢伯樂誰知千
里之能劍不遇張善終沒千金之品千古奇人傑士徒以
知己無人而冷落天涯辱在泥塗者不知凡幾矣屈子問
天牢騷莫遂王郎斫地抑塞誰憐豪傑困頓大抵如斯豈
獨先生也哉况先生雖不獲邀首肯於朱衣而乃得廣心
法於絳帳迄今時過境異而沐化雨坐春風者或為尹公
之地或為庾公之斯此也真得其衣鉢彼也大絕其薪傳

濟濟士林桃李與山岳並秀滔滔淵澤教淵源與山海同休如是先生雖亡而先生之道永垂不朽矣即使當年中一試博一官生則榮歿則已恐未必若斯也此吾所以始為先生惜而終為先生幸也此吾所以畧述其梗概而樂為之傳也

處士黃昌平傳

教員葉裕良

黃昌平字道安號均階素性式謹少若成人及長精岐軒術得謝學金先生不傳之秘清咸豐初髮逆犯境被虜以醫術為賊所信仰因得出賊巢隨即入營効力以書記保至六品軍功是時遵義一帶稍安僑寓正安廿餘年以醫

藥自給光緒九年以數子夭亡乃謀還鄉時永寧人烟太少率姪孫漢銘暫住鎮邑因撫漢銘業儒繼而漢銘以業元入泮年過半百方返故土仍以醫為業其姪仕朝屢勸之納妾乃娶側室及生子年已六十一矣因名其子曰六一光緒二十五年譚刺史見其正直忠厚不苟言笑札充本城團紳接充至宣統元年歷任長官均資贊助涑州長贈以風敦古處匾額朱學使觀風贈以搗德鄉閭匾額後以年逾古稀力辭團務復舉一子曰七齡易曰積善之心有餘慶信哉自是優游田里不問世事年八十餘見孫無疾而終時民國三年也綜其生平薄於自奉厚以待人其

任事也潔已奉公其濟貧也樂不取值所活無算而其一介不妄取尤足令人欽佩今六一更名福朝舉業高小傳其衣鉢者有瞿宗耀梁仁安方長春譚雲萬育諸人

烈婦梁王氏傳

歲貢張德馨

烈婦查城梁汝安之妻前清闕嶺王憲章之妹也幼聰敏稍讀書頗知大義于歸後奉翁姑孝相夫子敬光緒三十年汝安應武童試在習安病故其兄仁安扶柩歸家人知氏性烈欲誘以計慰不遽令知殊婦一見遂呼天號地勢欲捐生親戚勸以幼子尚在襁褓不可性教婦曰有子無夫吾何獨存於世即撞棺而死前刺史涂步衢聞之不忍

闕嶺縣志訪冊

卷八 傳記

十六

湮沒曾錄其事詳報在案吁朔視死如歸之心直與志中所載蔡烈婦前後若合符節蔡婦穿死存夫以重禮祀梁婦寧死別子以明節烈亦巾幗中所罕觀矣茲特錄其梗概以動後之聽聞而興起焉是為序

雞窩田開溝碑記

知州涂步衢

永寧城東北有河曰補母當州志列稱為永州水利第一自大水寨以下無溉馬康熙五十二年前任王築壩開渠引自波羅溝等處遠邇二十餘里灌田七百餘畝人馬沾足火警有備前撫憲劉勒石立記嗣因經理無人溝遂廢道光十七年知州事黃培杰修築如初咸同間兵燹迭經

溝復廢田旱水缺汲引艱難火警頻仍垂四十餘年矣為之太息者久之特與紳董妥議修復會同關嶺汎舟馬威龍孟金榜貢生潘廷銑三相槐廩生羅聲揚武生羅耀驥潘榮昌等逐一履勘繪具圖說塚者砌之湮者濬之滲漏者堵之窄狹者擴之單薄者培之募土石工各數十人四閱月而工竣灌汲如初其款除羅聲揚飲金六十潘榮昌飲金一十撥公款二十餘悉計畝均攤為之妥立章程勒石以記其事

龍神祠記

周夔

龍之為靈昭昭也風雨之調龍實司之旱潦之患龍能祛

關嶺縣志訪冊

卷八

記

十七

之其功變乎陰陽其澤淪於草野國家以祀典頒行天下龍神在所必及非猶是能禦大災則祀能捍大患則祀之義乎顧其神既有裨於群黎斯其祠即宜尊其體制而後祭禱得所依據靈爽得所憑式即農工婦孺亦得所瞻仰而共識神惠之無窮也永寧舊設一龍神牌附於先農壇地既不足以赫聲靈位尤不足以聳耳目以國憲之所關民食之攸賴而不專祠以祀問心能自安乎適奉部文追封關聖曾祖祖考為王與孔廟並重而永之關廟後殿悉祀象神中供玉皇像第於院之中又狹圍咫尺為關氏祖考殿且逼臨雷檐瞻拜之下尤為之踧踖焉夫禮典之廟

有舉無廢曠其祀而不建其祠固廢也即建其祠而有乖其制猶廢也一之為甚况乃再乎因與同人步培風閣於東西正向得空地一幅可置樓三楹爰捐廉鳩工不數旬而蒨其事樓之上迎玉皇以居之樓之下新塑龍神以居之而闕聖後殿乃得正位於中誠所謂一舉而三善備焉者也然則是役也以之彰祀典則國體尊以之沛雨澤則民生厚以之廣神教則惟皇降衷而恒性可復其有裨於世道人心也豈淺鮮哉廟成余因贅數言以撮其巔末

養正書館記

周 燮

易曰蒙以養正聖功也夫蒙耳而以聖功期之且以聖功

舉之其望於蒙者甚奢其責於蒙者甚備而其所以造就乎蒙者即迫不容緩恒不容間密不容疏孟子曰拱把之桐梓人苟欲生之皆知所以養之者况蒙之可以作聖哉方今威朝作育人材凡郡邑皆有書院義塾而中也養不中才也養不才焉永邑雖風書院余前莅斯土曾訓課而激勵之惜瓜期過促未及期而已他適乙卯秋復攝州篆時烽烟告警講武而未暇修文逮丙辰春覺人慶鳩居民皆燕息余因於書院為之修葺牆屋延師主講義塾亦擇學中之品學兼備者以為之師惟是兵燹之餘愈知弦歌之樂而來學者甚眾冠者執經書院固易分廣廈之容彼

推齒垂髻皆作聖資也以一義塾而悉赴之有不虞業之
荒於嬉乎余因捐廉另設一塾為小學之助暫於文昌後
殿作書館以訓童蒙復於每月朔二日至館以稽其勤惰
而獎勸誘掖之數月之間悉彬彬有可觀者愈信養正之
功古人洵不余欺也雖院落未及修復此之經費猶有待
於躊躇而以善養人不己言有明效乎爰名之曰養正書
館不惟使誦讀其中者知人人可以作聖而不忍自棄即
教誨於是者亦知人人可以作聖而不忍負己以負人則
養其根而培其實吾知必有和順積中英華發外者矣天
地之養萬物也以雨露帝王之養萬民也以德禮此物此

志歟是所望於養之者

重修節孝祠碑記

知州 涂步衡

永寧山勢嵯峨精靈所鍾必有鬱積磊落奇偉之氣發而
為忠義為節烈為節孝為幽貞披覽志傳見諸巾幗者不
少其際流離困苦與夫窮阨無聊而卒塙乎不拔自完其
太璞憑弔之餘感慨係之惜咸同以來雖採入州志而抑
塞不以上聞庚子冬趙學使星軺戾止為之述其事而冊
報之嚮之飲恨於九泉者今則動聽九重矣而猶惜兵燹
迭經祠宇頽塌俎豆闕如冥靈莫庇陰雨晦昧之夕髣髴
聞悲訴之聲嗚呼傷哉生則頓抑挫折死則仍致歎餒而

不覺聞之黯然神傷矣爰就學堂舊址庀材鳩工上層計五間祀室於其中兩廡計各十二間齋舍不足藉為研窮之所其下計五間上峙高樓藉為藏修游息之所令學者顧名思義警策其節烈忠貞之行夫婦女何知秉川嶺之精靈以不失鬚眉之氣可以丈夫而不若乎是足以愧勵之也祠未竣而有權篆甕蓬之調敦屬於城紳黃昌平張純錦王大昌諸人務督其事而董厥成俾得安慰幽魂也落成之日其以是鐫諸石

楊吉橋碑記

舉人 陳方瑜

按此橋在阿果枝道光二十八年國學饒燦武自建

關嶺縣志訪冊

卷八 記

二十

蒼屏分峙川縈兩岸之間白踏沙波地窟三豕之渡孰泛瓜皮之小艇石得磷磷時添竹箭之危湍流驚蕩蕩淵何如深仰視鳶飛之墮巧靡所乞誰驅鵠駕之填此楊吉橋之重修所以不容已也此橋創自前人羣欣利涉訪當年之首善無由駐馬而觀碑危砥柱於狂瀾竟共泥牛以入海間存巍然之斷礎難挽遊者於滄桑漲落之候人或蹇裳而前冰堅之晨鷺何堪足而待此情此景且毀其存且斯地也例以白河黃蘗之設站僻在偏隅當夫赤汗紅塵之奔馳爭趨捷徑殊途同歸於一致習坎易睹夫耽平試較迢遙官道省十餘里之煩勞當茲攘往熙來通千萬人

之過往近者如鴉子寨前已鳩工疊石而葺事惟茲似漁
郎蹤遠猶臨河返駕以堪憐鞭石未能役神點金先苦無
術久稽風舉誰法前修適有國學饒公字燦武者白手起
家朱提充橐頭盈皓雪掌失明珠幻泡參破休耽金穴以
置身方便力行莫入石山而空手慮築舍於道旁集事不
妨同事鋪平橋於波面畏途咸變坦途善果終圓微蘭疊
慶邇乞紀厥顛末石礮勒諸水濱與人為善歡留筆墨之
緣危地獲安穩勝龜鼉之駕飲澗跨長虹聽汨汨其來矣
晚涼看洗馬思人人而濟之

重建花江鐵索橋記

石廷棟

光緒辛丑夏四月花江河之鐵索橋再修落成蓋此橋自
建修以來往苒四載地經三易成而毀者再資鉅功艱時
勢多所碍阻幾於築室道旁之歎矣監修何君堵人謂曰
姑視原址移上數丈就石岩繫鐵索將原岫之石移砌若
脚沉水鐵鍊設法繳起省費過半或可補苴萬一將公炳
堂軍門題其言矢志重修罔惜鉅資誓踐前言不成不已
乃令何君梅軒程其工工興於庚子十一月之朔告成於
辛丑首夏計又需費五千餘金此修造之終始也溯自戊
戌迄今約四年斯橋之建凡三度建橋之地凡再遷先後
所費不下三萬兩有奇其中請款僅二千捐募只三千餘

皆將公獨任以余比年皇皇求助什不應一未有如蔣公之慷慨好義有志竟成不煩他謀者也茲橋既成建百世之□□貽□□之休庇占利涉者永慶安瀾登彼岸者無虞滅頂則修橋之功偉矣至建修緣由工程節次前碑具載可考而知余既為倡募之人幸得於再毀之後見其告成甚欽蔣公之樂善不倦以為後來勸也乃歡□□嘆而為之記

關嶺移縣碑記

知事 陳鍾萃

關嶺縣即古永寧州移治龍窩得自前貴西道尹劉公如淵一言以此地鎖鑰滇黔為入粵西及南籠各縣要衝且

關嶺縣志訪冊

卷八 記

二十三

貞堂與仁與鎮軍相去既遠地復寥廓適中瑛攝尤不可少非等舊治偏在一隅至矣茲以加矣地方紳耆齊君梓修等請准於前余君書曰張君漢槎陳君漸遠諸人士相與籌畫於後其事乃舉然茲事體大僅一公署尚蒙省長撥助庫幣尋以陳君竭蹶從事盡力經營甫告厥事蓋創造若斯之難也余承簡命自威寧調宰斯邑雖亦勉効微力甚慚未能襄助為一民國龍飛億萬年鴻基肇建即紅岩白水亦若應之而別著光彩則斯邑也將必月異歲殊日臻繁盛以漸副道尹之宏識偉議而以余屬望地方遂此協力同心以企嚮前途當更有在若僅據目前之草創

初定亦既昭然耳目似可勿庸觀縷所不能已於言者竊以此亦河流星海江水岷源尚冀地方共識余之微意特誌始末云爾

盤江鐵索橋復成寄蔣鎮軍炳堂

有跋

學使葉在琦

潛蛟生角隘潭穴擊水飛行越危岳浮江木石互撞松岩
隙衝波半偏裂長虹戰歟失首尾波落江心見叢鉄二三
殘纜遠可數憲宰猶鳴陰雨節江流入夏悍且深竭來一
葦愁行人躡空詎有鞭石手賊目更其緣撞身健兒觸險
爾勿矜善恣常遇龍蛇噴衝流賴尾坐太息延頸望有仁

關嶺縣志訪舟

卷八

紀詩

二十三

人仁光光鎮軍顧我語期我重采茲役舉千金之諾果若
響萬古同謳固其所峰迴一轉見欄檻聳碧流丹映烟雨
導行一騎已吹吹方駕群駒相衙衙鑪錘百煉力無懦漚
泡萬釘巧能補衆材駢列直中弦巨纜下垂鈞若股諦觀
頗識考工精小憇都忘行役苦去年當轍弄螳斧搗穴偏
師繫窮虜飄飄大纛自舒卷如此釜魚何足武牙門生筦
般輸籍次第厄材料山澤濶滄之制今宛然更念西征恢
舊驛犯功莫忘奢香名訪古欲搜莊躡跡要令千里通滇
池亭堠畫一懸旌旂握符出為方面守古有舉者勿廢之
利民豈必創奇績鑿空不若豐其基鐵官矜貴銳政急欲

建元氣忘瘡痍政憂腹地或道蕩荆棘未斬藏么麼知公
默然用此事實事求是良可師暄妍共喜山巒筆小李畫
圖紀風日靈瑞巖巖能馱碑勒解或取吾言贊

是詩作於甲午四月試興義歸時八月安南使君楊子
琛書來道鎮軍意屬書以病久閣俟裝將行亟書以歸
之十一月下浣東冶葉在琦載

弔楊州牧濟川城陷殉節

前代理上林黃漢銘
縣知事

宦海遼馳來西蜀天不從人得所欲適值烽烟牧是邦城
郭荆棘如網束斬荆伐棘不辭勞浚城防寇建旌旄拓復

關嶺縣志訪冊

卷八 詩

二四

流亡恢元氣鼓角臨虛雉堞牢誰知孤城難戍守更兼形
勢狹如斗內無積粟外無援又聽風聲鶴唳登陴守禦
不及防槍林彈雨似飛霜城陷被虜朝北望哭謝君思不
敢忘渠魁勸降罵不絕慘同杲卿斷其舌慷慨激昂拼一
死黃沙染就一腔血吁嗟乎是日天氣最晴明被難黑霧
滿邊城婦孺一聞皆墜淚常將天道嘆不平我泚殉節古
來多聊舉一二比如何宋有天祥明可法殺身成仁永不
磨惟惜西蜀楊濟川節雖同慘名不傳茲逢輜軒勤下採
敢將節概寫毫端

懷關嶺前輩鄉賢有序

文生王憲章

夫人才為川嶽之精華文物乃國家之元氣英華盡則川嶽無間氣之鍾元氣虧則國家鮮磐石之固故周家吉士應會方生漢代文章承平始備何莫非培養崇尚之功所積而成之者耶我嶺當前清道咸間沐聖治之休明值人文之蒼翠明經學而登科第者亦不乏人永州之文物於斯為盛自時厥後世運日降逐漸零落縱有二三繼起今已凋殘殆盡余以不才生當晚近遙企前徽頓覺光儀沉寂親炙無從居里徘徊今昔致感嘆哲人之已遠喜姓氏之常垂登高憑弔恍若想見其為人撫景徒傷居然情深於好古是以道罔隆而弗替物無感而弗哀理固然也夫感慨生於落寞詠歌發乎情詞不有斯作何伸所懷

嶺間從古說人文人文雖邈姓名黃國家培養昌文治英賢濟濟會風雲重關險固方城設青山綠水皆秀絕嶽降崧生徵地靈川鍾間氣產人傑憶昔姜肱茂樹荆雙丁二陸負才名明經堂舍賢書館和樂大被一榻橫姜氏弟兄一鎮齋乃邑明經博學善書一封齋以舉人挑授興義縣訓導考標花萼聯芳卉一宴鹿鳴三食餼文社詩場酣戰時洋洋千言光炳蔚劉公端甫道光庚子舉人其弟端本端謨及其族兄金台皆邑廩生淹雅博洽詩文皆奔絕一

時江東舊第實堪誇詩宗易齡尚籠紗喜得今朝堂上燕
不曾飛到別人家(至公新盤及其子超雲並族人甫廷諸
公皆邑廩生屢薦不中學問淵醇歲貢葆侯即其孫也新
盤著有妙明硯詩刻石甫廷博通經史怒罵成文皆卷帙
著有秋夜夢入黃鶴樓詩)周子文學宗宋儒著書渾似太
極圖秋風屢阻鵬程路歲歲空勞磨礪須周公東籒詞賦
清妙屢薦不中與甫廷諸公齊名相友善關西巨族光梓
里家學淵源紹伯起靈運方染柳汁衣惠連旋折蟾宮蕊
(楊公茂材癸未進士弟茂先壬辰恩科舉人)徵書次第出
仙班素絲良馬玉鄉關西寧政績多遺愛三年歸隱卧東

山(公出宰廣東西寧縣政聲卓卓以終養告歸歷主安順
興義講席)書畫盈几入煙霧登高樂奏遂初賦鵝湖幾見
擁泉比雀館森然列玉樹繼世箕裘擬謝家香分貢樹踏
槐花八龍三鳳相推譽晚年屈宋老官衙(公子姪輩皆明
經食餼惟肅安先生以舉人批授平越訓導)哲人物化去
已遠風流頓歎空纏綿不獲親炙侍同堂惆悵予生徒恨
晚同里興歌洽比章猶存遺址感滄桑瓣香心事猶私俶
忝為後進希末光年來國體屢更異文風便與當時異老
師宿儒漸凋殘我亦不覺老將至從來衰感遞相隨盈虛
物理本如斯四時月日頻消長焉知人世不遷移往古來

今歷歷數兩間何時無今古吾儕若有古人風安知後世
不稱翽嗟我生不值承明莫共前賢賦清平閒撫遺編得
尚友深慰平時景仰情登高憑向鄉關弔情馳恍若親道
貌長歌一曲引清風誰云異代不同調

查城祭孤行

平越訓導楊文暢

連朝風雨黯荒城濁霧塞山慘不明山下行人都斷絕惟
餘鬼影亂縱橫憶昔當年遭喪亂人民無辜苦戰爭千家
萬家罹殺戮白骨填滿山之坑死無所歸乃為厲斷臂折
足跛而行手捧頭顱血模糊亂髮欲豎突雙睛黃昏斜日
不敢落啾啾齊作怨苦聲虎嘯猿噪一時發百里那復炊

關嶺縣志訪冊

卷八 詩

二十七

烟生天憫斯民靡了遺戮歛渠魁亂始平市井蕭條人漸
聚鬼多人少夜夜驚我朝聖恩存寬大歲歲遣官祀以牲
或為蒼蒼龍鍾叟或為蚩蚩畝畝氓或為雞皮鶴髮媪或
為朱顏綠鬢卿或為投筆從戎傑或為拔劍斫地英或為
三尺五尺子或為一歲二歲嬰彼此浩劫同一盡魄凝不
化結陰精既無孫孫復子子終鮮弟弟與兄兄長為孤魂
作餓鬼難覓冷飯求殘羹今朝荒坵奠杯酒一滴九泉酬
世情願藉菩薩楊柳露救拔苦惱孽海清從此為民來感
世百年永不見刀兵詩成梁淚知多少四壁蟲聲助哀鳴

紅岩碑

康生

梁仁安

紅岩碑篆聞人多代遠年湮永不磨誰從岩畔留真跡非
篆非隸恐傳訛或疑武侯去平南凱歌旋唱此停驂欲把
功績傳久遠勒諸瑣珉待詳參或疑高宗伐鬼方道經斯
土意傍徨玄機異蘊銘峭壁奇奇怪怪寓行藏二說俱未
詳可否往過來續登岩數探訪垂為罕見圖小者如升大
如斗禹碑岫嵯義堪同八載勞心蘊厥中蝌蚪明燎苔蘚
滿天工雖巧借人功關山對峙紅岩碑古跡雖傳應闕疑
風銷雨磨仍古峭後世愈傳事愈奇

留節洞

歲貢 張德馨

梅子關西七里許洞號留節傳古語避兵貞婦全節操鬚

關嶺縣志訪冊

卷八 詩

二六

眉男兒不如女我讀方志訪輿情不聞姓字不聞名大節
臨頭拼一死留得物望重鄉評吁嗟乎坤維正氣秘未彰
天俾兵燹發幽光黃河白石埋貞骨空谷深山草木香嘗
稽古來不乏人烈女傳中漫溯真韓氏玖英身投穢更有
隕崖不染塵他如割鼻與斷臂徽音在耳今不墜此婦留
節在洞中後先輝映堪拔萃

鐵索橋

張德馨

誰聞滇黔路橫橋萬古雄索穿苔石碧橋映浪花紅履險
馳驅穩臨危色相空天工人事並飛渡若長虹

遊盤江橋

張德馨

天塹盤江造化工，橫空倒掛似飛虹。
臨危不懼馳驅使，履險如夷利濟通。
輪跡推翻芳草碧，浪花逐映夕陽紅。
洪波滾滾朝宗去，淘盡英雄想像中。

留節洞

歲貢生 鄭宣輝

貞婦幽光秘未彰，天教兵亂顯綱常。
節留古洞精神爽，骨葬荒坡草木香。
列女傳成推巨擘，淑媛價重勵清霜。
一經感世猶軒栞，巾幗完人頌未央。

遊飛雲洞

黃漢銘

躑躅城西一洞天，飛雲瀑布景相連。
山多靈秀爭含笑，佛有慈悲喜結緣。
碧草蒼苔鋪怪石，新詩遺響雜流泉。
歸來

關嶺縣志訪冊

卷八 詩

二十九

欲步前人韻未暇，敲推甚慊然。

飛雲洞

王憲章

仙山名勝豈尋常，緩步高臺信可望。
水滴懸岩驚玉漏，雲飛絕壁更蒼茫。
洞天迥異紅塵世，佛面時迎翠靄光。
旅次清閒無箇事，樂偕舊侶賞孤芳。

遊觀音洞

楊文暢

一徑斜盤入翠微，雙鳴喚處隱清暉。
山如潮湧都爭去，洞任雲封未許飛。
願我凭欄居上界，伊誰得竅悟禪機。
笑他塵世花花甚，惟有觀音自白衣。

大佛洞

王憲章

天開一洞甚幽微零落亭臺客到稀古佛多尊如拱揖名
流遺跡尚光輝悠悠寒氣侵人袂點點清泉澌我衣取次
携朋相共賞閒吟並帶夕陽歸

友人約遊大佛洞

張德馨

選勝登臨寄興幽二三知己賦閒遊一罇佳釀同人酌半
壁新詩刺史留細草橫鋪仙子徑夕陽斜掛老僧樓酒闌
拇戰呼將歇緩緩歸來樂未休

關索嶺

唐善

山開鐵戟自何年疇把將軍姓字傳想是南人真不及弟
留廟視障南天

關嶺縣志訪舟

卷八 詩

三十

關索嶺

黃寶鎰

天際穹窿不可登將軍昔日竟飛騰波闊不效雞鳴輩
贏得平蠻績可稱

蓮花井

唐善

愛茲蓮里寄吾家矩矱高曾故步差但出污泥能不染我
儀君子水之涯

曬甲山

唐善

南征凱奏未歸裝甲曬山前化日長不信先生行妙策每
占晴雨變陰陽

紅巖碑

唐善

是孰紅巖字問奇為殷為漢尚猜疑何因禹蹟窮梁跡曬
甲於今竟屬誰

紅巖碑

黃質鑑

誰從崖畔寫真形篆籀書成勒鼎銘疑說武侯宣秘笈應
教鈍漢仿圖經

鐵索橋

黃漢勛

橫空鐵索繫山腰儼似楊州廿四橋履險如夷通利濟征
車那計浪中搖

盤江橋

黃漢銘

不借帆風不繫船橫江鐵索利無邊米公醞釀成斯舉履

關嶺縣志訪舟

卷八 詩

三十一

險如夷躋大川

留節洞

黃漢銘

世人誰不樂餘生貞婦餘生最看輕劫過洞中完太璞時
穹見節史傳名

留節洞

黃漢勛

洞中留節意何之適值烽烟告警時臨危不改冰霜志原
來巾幗勝鬚眉

留節洞 二首

歲貢 沈良瑞

不受烽烟半點侵洞中全節自甘心只因立下冰霜志留
得芳名說到今

其二

臨亂不污節可欽留芳古洞到於今丹心欲正坤維氣空
谷深山頌好音

飛雲洞

黃寶鑑

禪門尤大吠蒼煙古洞玲瓏別有天雲鎖慈航扉乍掩一
天星斗燦娜嬛

飛雲洞

吳獻文

飛雲古洞適蒼苔不染塵兮不染埃若待詩人同覽勝好
留佳句莫徘徊

遊大佛洞

黃漢敷

結伴尋芳着屐遊七星古洞甚清幽駭人若與同詩酒勝
負難將拇戰休

大佛洞

黃福朝

佛地幽深別有天七星古洞至今傳老僧愛把禪機悟一
種菩提一種蓮